


雅言覺非







雅言覺非卷之一







雅言覺非小目

第一卷

長安洛陽

京口

太守使君

倅方伯

監務

督郵

員外郎

金吾提學

司馬

國子

狀元發解

賓貢水驛

杏壇

山茶

柏

檀

桂

蘆竹

杜荊

檳

山核桃

藜筇

杜仲

杜棟子

海棠

玫瑰花

楓

榆

沙參黃連

厚朴牡丹

薄荷瞿麥

雀麥

稷稗

胡麻青蘇

蜀黍

蕎麥

泉貯

紫草芝

茶

薏苡

麩

醬

豆腐

醢

齏

薑讓韭扇等

鼈松鍾鼓等

辛苾魚肉等

金金狀狀等

澣澣麤麤等

宦宦畫畫等

浙瀝模糊等

刷刮通煩等阿

一級一麾

千金

一貫

一戾一掌

一把拱

三寸

卷第二  
舩米

醢

稷



枯桿

聘君

裾

漁父

化翁

威

鄉

洞峽

巖

巷

湖

江河

漢水

遷

峰濱

原屋

輪葩

盡篇

鐸

缶杖鼓

瑟

琴徽

洞簫

磬

角

弁

笠

喪冠喪服

帖裏

額掩

護頂

套袖

屬頭 綢紗等

棉布

衲衣

達掖

搭連

推鉈 鐙

鼎

圭笏

轡 鞵鞵等

引

銜

任遺事

牌子

句

古風

風月

儷律

詩傳書傳

史記通鑒

反切

都目

鄉所

歸鄉

其人

兩班

生員

推考

辱



筥杖

箕帚

帶子

公然

卷第三

太廟尸童

太僕

洗馬

祭酒

契丹冒頓

范曄

鼃錯

龍骨大馬富大

佛補處

僧

足樓鍼等

趾棟

羔藿等

樗查

祖素等

麋軸

糴糴

芒

松笋

松津

鹿皮

犀通

牛胃

胃

蜜炙

阿堵拳踢

趺

拚棄

齊宿

闔門

孝子

哀子

綽楔

精舍

軒廳

斜廊 托樑

衙

牖

禊

上巳

破日

霞

彈棋

盞托

湯餅

藥果

粉蘭

印團

水團

櫟子

棗糕

角黍

煎果

餉口 竊缺等

鮓魚

鮓水魚等

海鯽

鱸

鯉

甍

蒲鵠

水豹

貍藏

花郎



水尺

臧獲

乞士

三澣

賒

貫

杯琬

# 小引

學者何學也者覺也覺者何覺也者覺其非也覺其非  
奈何于雅言覺之爾言之而喚鼠爲璞俄而覺之曰是  
鼠耳吾妄耳言之而指鹿爲馬俄而覺之曰是鹿耳吾  
妄耳既覺而愧焉悔焉改焉斯之謂學學修己者曰勿  
以惡小而爲之學治文者亦勿以惡小而爲之斯其學  
有進已處遐遠者學文皆傳聞耳多訛舛故有是言也  
然舉一而反三聞一而知十學者之責索言之不能窮  
故槩言之非其非止是也嘉慶己卯冬鐵馬山樵書



雅言覺非卷之一

流俗相傳語言失實承訛襲謬習焉弗察偶覺一非  
隨起羣疑正誤反真於斯爲資作雅言覺非三卷

長安洛陽中國兩京之名東人取之爲京邑之通名詩文  
書牘用之不疑蓋昔高句麗始都平壤厥有二城東北  
曰東黃城西南曰長安城長安冒稱疑自此始洛陽之  
稱益可無據至京曰矣洛還京曰歸洛洛下親朋洛中  
學者皆習焉而弗察嘗見日本人詩集亦犯此忌

太守使君本皆尊稱太守者郡守也而諸縣令長咸爲所

領其職與今之監司不甚相逮使君者奉命之臣也後  
漢書寇恂傳使君建節銜命以臨四方又臺佟傳佟謂  
刺史曰明使君奉宣詔旨又北史申徽傳云徽爲襄  
州刺史有清水亭詩後人曰此是申使君手跡暫操稱  
劉備爲使君亦以備時領豫州故耳下逮唐宋詩家用  
事亦皆祖述漢魏故必其人爲刺史知州然後乃稱使  
君東人錯認今陽川縣令麻田郡守咸稱使君斯亦習  
焉而弗察也縣令之稱太守亦非

縣令宜稱宰

倅者副也郡倅者今之所謂營下判官也唐書王鐸爲江  
陵少尹謂之賓倅宋史劉豫知濟南府而張柬爲倅皆



方伯

淬淬在隊韻

取內切

讀之以一聲亦不可

監務者諸務之監官也唐宋之制茶稅鹽稅及鐵冶之稅皆

置務幾所

三十所或四十所

務置一監謂之監務高麗之人

傳聞失實遂於諸縣置監務一人國初因之與地志

副官也故郡倅名之曰半刺謂其職半於刺史也平壤

庶尹鏡城判官大丘判官自稱曰倅可也乃牧使府使

郡守縣令專城為長者皆自稱曰倅不亦謬乎書牘始

舍碑碣皆然後世何以徵矣昔人未嘗不明辨故高麗

田祿生為慶州判官為政清白李齊賢詩曰田郎作倅

吾鷄林父老至今懷清德不誤用也然且粹粹在真韻

並有此文今人認為當然遂以縣監名曰監務其實監務為職如鹽倉監官銀店別將非牧民之長也

督郵者督尤之官也郵者尤也王制云郵罰麗于事漢書

云以顯朕郵皆此意也漢制郡守刺史皆置督郵以督

責屬縣令長之愆尤杜氏通典云督郵掌監屬縣有東

西南北中部謂之五部督郵劉熙謂督郵主諸縣罰責

郵殿糾攝之事

案郵殿者殿最也郵尤通尤最也劉以督郵掌郵殿其義非

故黃霸

為潁川太守督郵告許丞重聽不可任職田延年為河

東太守尹翁歸徙部汾南督郵所舉應法

所舉劾皆中法條長

吏莫敢怨其職責如是也督郵巡行縣邑威稜風生故



劉玄德爲安喜尉督郵到縣求謁不通玄德直入縛督  
郵杖二百解綬繫其頸著馬柳棄官亡命陶淵明爲彭  
澤令督郵至縣吏白應束帶見之淵明歎曰吾不能爲  
五斗米折腰拳拳事鄉里小人遂解印去縣蓋其爲職  
乃功曹之極任而所掌在郵罰故縣官畏之耳東人誤  
以督郵爲驛傳之官今諸驛察訪皆稱之曰督郵亦謬  
員外郎者額外之官也漢制百官階次有員外郎隋文帝  
開皇六年尚書省二十四司各置員外郎一人以司其  
曹之籍帳品從第六謂曹郎本員之外復置此郎也我  
邦六曹之正郎佐郎本各六員是在額外不在額外今

人謂之員外可乎諸曹皆各六員唯兵曹八員其二員  
空稱員外然本無分別亦不可稱也○高麗史百官志  
國初六曹置郎中員外郎忠烈王時改郎中爲正郎員  
外郎爲佐郎其後官制屢變至恭愍之末復用忠烈之  
制故襲誤如此

金吾者巡徼之司也漢書百官公卿表中尉秦官掌徼循  
京師武帝太初元年更名執金吾

師古云金吾鳥  
名主辟不祥

後漢

書百官志云執金吾一人掌官外之戒月三繞行官外  
胡廣云衛尉巡行官中則金吾徼于外相爲表裏擒奸  
討猾又漢制金吾禁夜行唯正月十五許金吾弛禁故



提學

蘇味道詩云金吾不禁夜王漏莫相催杜甫詩云醉歸  
應犯夜可怕李金吾其職司可知已今邦人忽以義禁  
府爲金吾莫知所由嘗考高麗史金吾衛亦名備巡衛  
有巡軍獄擒奸猾囚之其後大臣朝士有罪輒下巡軍  
獄治之金吾遂爲王獄之名我朝旣置義禁府專掌  
獄事不復知巡檢諸事猶帶金吾之名無謂也

司馬者夏官之長也王制鄉之秀士升之司徒曰選士司  
徒升之太學曰造士太學升之司馬曰進士東人摘句  
單執升之司馬曰進士一句遂以進士名之曰司馬進  
士之試曰司馬試進士之榜曰司馬榜甚則金進士李

進士稱之曰金司馬李司馬豈不謬哉

國子者胄子也胄子者長天下之子弟也

馬融云

天子諸侯

之元子庶子公卿大夫之適子胄子乃爲胄子而周人

謂之國子非匹庶之子所得混稱也虞制太學教胄子

卽典樂

司徒教萬民三代因之確分二塗漢氏以降始以

太學爲教萬民之所猶冒國子之名韓文公爲太學之

官自稱曰國子先生吾東沿誤遂以太學爲國子之學

信之不疑然國初有宗學以教宗室子弟此方是國

子之學

狀元者奏狀之首也進士出榜必有奏狀以達天子故其



發解

賓貢

見宋書

第一人謂之狀元鄉試居首者謂之解元而不名狀元東人錯認凡科榜之居首者通稱狀元陞補庠製鄉試初試下至旬製月課凡居首者謂之狀元已屬誤謬况又狀譌為壯謂之壯元詩元曰詩壯賦元曰賦壯多算者曰畫壯奏劄碑碣咸已刊行豈不謬哉

水驛者以船而置驛也大明律驛船濫乘者與驛馬同罪此所謂水驛也東人誤以水邊驛亭之邨為水驛每過平丘丹月等驛輒吟水驛之句誤矣唐書百官志云駕部掌傳驛每三十里有驛水驛有舟唐六典云水驛一千二百九十七所陸驛八十六所李白詩云揚帆借天

風水驛苦不緩謂驛船輕快也

杏壇之說本出莊子司馬彪曰杏壇澤中高敞顧亭林云  
莊子皆是寓言漁父不必有其人杏壇不必有其地今  
之杏壇乃宋乾興間孔道輔增修祖廟甃石爲壇環植  
以杏取杏壇之名名之

亭林說  
止此

東人錯認乃於聖廟之

後列植銀杏以象杏壇銀杏一名鴨腳樹一名平仲木

左思吳都賦注云平仲之木實白如銀是也豈所謂杏

壇之所植乎錢起詩云花裏尋師到杏壇張翥詩云杏

花壇上聽吹簫李羣玉詩云相約杏花壇裏去卽姜希

孟亦云壇上杏花紅半落銀杏其有花乎



山茶者南方之嘉木也酉陽雜俎云山茶高者丈餘花大盈寸色如緋十二月開本草云山茶產南方葉頗似茶而厚硬有枝淡冬開花蘇軾詩云葉厚有枝犀甲健花淡少態鶴頭丹又曰爛紅如火雪中開余在康津於茶山之中多栽山茶雖有花品少態誠如子瞻之言葉旣冬青花亦冬榮又其實多瓣相合略似檳榔以之榨油塗髮不腫婦人貴之亦嘉卉也東人忽以山茶名之曰冬柏其春榮者謂之春柏大范寺多此樹名曰長春洞嘗閱長春洞詩卷或稱翠柏或稱叢柏卒無山茶二字可歎也已

陳氏花鏡一名曼陀花恐非也

漢清文鑒謂之岡桐

柏者側柏也汁柏也埤雅云柏有數種其葉扁而側生者

謂之側柏本草所稱側葉子是也其仁曰柏子仁此日

用易知之物也海松者油松也果松也五鬣松也

亦名五粒

松

吾東輿地志山郡土產咸載海松子亦日用易知之

物也今俗忽以果松呼之為柏山郡以果松子饒人輒

云柏子幾斗其訓蒙釋訓柏曰果松

方言如棗字摺聲

豈不誤

哉東方朔傳云柏者鬼之廷東俗謂柏辟鬼恐體魄不

安遂又以果松板為柏子板不用為棺尤大愚矣果松

筋理細膩乃棺材之上品冒偽名而廢實用可乎

檀有二種國風所稱伐檀樹檀者堅韌之木可為車輻者



也若扶南天竺之產梅檀沈檀者別是香木有白檀紫

檀總謂之梅檀

本草云

故酉陽雜俎云一木五香根曰旃

檀節曰沈香花曰鷄舌葉曰藿香膠曰薰陸檀之香烈

如是也東人忽以蔓松之冬青者名之曰紫檀香祭祀

焚之丸藥劑之豈不謬哉輿地志南方郡縣多產安息

香亦皆冒名無可憑也

桂者南方之木亦有苗桂牡桂總可入藥中國亦唯江南

有之吾東之所無也乃鄭

唯吉

詩云長懷叢桂無歸日擊

節高吟字字珍奇

遵

詩云蕭蕭楓桂林一夕容顏衰

皆非實事近見人詩草月季花四季花亦或冒名爲桂

蘆者葭也大者曰葦雖絕大者其大無以如篋管巨竹東俗多訛謂中國別有大蘆每唐船破於洋中或有巨竹竿漂到我岸其大數握南沿之人或得此物號之曰蘆竹以爲奇物天下有蘆竹者乎此是篋管巨竹海水浸其皮光澤以損遂疑非竹類耳又有木實大如木瓜剖之爲瓢子甚佳南人謂之蘆實亦妄矣

杻者櫓也荊者楚也東俗以荊爲杻荊筍曰杻籠荊繩曰杻繩非矣芝峯類說云鍾樓以杻木爲棟蓋杻亦有大者說止李公蓋以荊爲杻也然唐風隰有杻陸璣疏云此此杻櫓也皮正赤多曲少直若荊則其皮雖赤其直如矢



豈得云多曲少直乎荊者牡荊也

李時珍云古者刑杖以荊故字从刑

牡

荊有青赤二種青者為荊赤者為楮嫩條皆可為篋箇

年久不樵者其樹大如盂也

本草綱目云

大如椽者余於高

達山亦見之矣夏大一倍豈不得為屋櫨哉芝峯所指

明是荊也禹貢注云楮中矢幹魯語肅慎氏貢楮矢今

我北道地接鞞鞬尚有此俗詩云榛楸淦淦陸璣疏云

形似荊而赤莖似著詳此諸文荊楮蓋一類也○又枳

之為字械名則音丑木名則音紐今俗之讀械名則音

紐

所云具枳枳

木名則音丑

又訛為入聲

一往多誤

櫨者楸也櫨亦作榎本草云葉大而早脫者謂之楸

字从秋

核桃之殼厚而味濕者為加來而加來之稱與農器之蓋相似仍取蓋音之木而作楸也

葉小而早秀者謂之楨

字从夏

爾雅翼郭氏鮮云大而散

者謂之楸小而散者謂之楨郭氏遂云椅梓楸楨一物

而四名總之吾東之垂絲桐即梓也其木正中棺材故

梓棺見禮記檀槨見左傳

義三年

椅楸其小異者也乃東

俗忽以榑斗為楨實

方言假南于

山核桃為楸子

方言加余來南于

余

究厥由古俗楸曰真木

參南于

榑曰假木

假南于

謂榑斗比

楸斗似而非也假與楨聲相近故訛傳至此楸子之名

絕無可憑陵園植木志其云楨者皆榑也壇廟祭物

單于其云楸子者即山核桃也

某局或稱紋楸或稱紋梓蓋以二木為某局也梓亦木名



司馬相如上林賦云華楓枰櫨枰者平仲也即銀杏其材

正中棋局所以為枰也揚子方言投博謂之枰則其為

博局之名亦久矣楚雅云枰平也以枰作其體平正也故溫庭筠詩云閑

對楸枰傾一壺蘇軾詩云楸枰着盡愛無期斯則然矣

○藜者紅心之灰藿也一名鶴頂草一名燕脂菜本草

爾雅翼云莖葉似王芻可以為杖即所謂藜杖也筇者

邛竹也亦可為杖漢書西南夷傳張騫言在大夏見蜀

布邛竹杖是也廣志云筇竹出南廣邛都縣蜀都賦注

云筇竹出興古盤江縣中實而高節戴凱之竹譜云筇竹

人功豈必蜀壤亦產餘邛大抵筇者竹名也今俗認筇為杖其作詩

律或稱藜筇斯則非矣

杜仲者香木也一名忽仲一名木綿

皮中有銀絲如綿

昔杜仲服

此得道故名曰杜仲

本草云

東人誤以杜棣子為杜仲又

訛為杜冲

方言曰杜乙粥

藥舖牙郎皆呼杜冲訛矣杜棣蔓生

其實如五味子食之甜酸漢清文鑒謂之杜棣

海棠有數種曰西府海棠曰貼梗海棠曰垂絲海棠曰木

瓜海棠曰秋海棠黃海棠其樹或高一二丈昌洲海棠

其木合抱花譜云徐儉家植海棠結巢其上引客登木

而飲元好問詩云秋千紅索海棠風其樹之高大可知

東人誤以玫瑰花為海棠又或云金剛山外東海之濱



有花出於沙中紅鮮可愛此真海棠亦非也○玫瑰一

名裴回花也其有之其木多刺花類薔薇

陳氏花鏡云

色紫

香膩馥郁愈乾愈烈以作扇墜香囊或作饅霜同烏梅  
爛搗名爲玫瑰醬東人皆不知也

楓之爲楓亦未可信按本草及花鏡諸書云二月開白花

旋即著實圓如龍眼

南方草木狀云楓香樹于大如鴨卵

上有芒刺不可

食唯焚作香其脂名曰白膠香吾東之楓無花無實亦

無脂膠唯霜後葉赤與諸文合耳諸書又謂其樹最高

大可作棟梁之材而吾東之楓高不過一二丈北漢山城

丹楓最佳而樹皆低小余謫康津見白雲洞李氏山

莊有丹楓數株高大拂雲可中棟梁問之主人亦未見  
開花結實可異也

榆有數種一曰刺榆爾雅謂之樛唐風之山有樛是也

云刺榆如

二曰姑榆爾雅謂之無姑其實即蕪蕪

郭云生山

柘而有刺

三曰白榆爾雅謂之白粉陳風稱東門之枌是

而厚也

郭云榆之先生葉

齊民要術又以枌榆刺榆凡榆分

御著莢皮色白

為三種廣志姑榆有莢即榆無莢本草集解云大榆二

月生莢棚榆八月生莢

花鏡云葉皆相似皮及木理異

吾東之俗白榆

刺榆方言

二月十早

黃

榆李圓嵩

以為二月

野生

方言云

刺榆家種

方言云

或謂之龜木四月八日

取葉作餅亦不知榆葉也

槐板亦或

中國之人用榆甚



切爲羹爲酒爲醬爲麪爲粉爲香爲糊爲膠

用黏瓦石極有力

吾人不知榆爲何木雖見諸文不知試驗利用厚生不可冀也

山菜以爲沙參雜草以爲黃連可乎山菜方言曰多德

多音

蔓生根可茹本草所載山參疑是此物董越朝鮮賦

云松膚之餅山參之糕自注云山參非入藥者其長如

指狀如蘿菹遼人謂之山蘿菹此物膚理極疎和米

粉油煎爲環餅俗稱山蒸多德

星翁云

沙參狀如玉筋肌

理如人參而差細差長爲小異也人參之代用沙參旣云苟且沙參之代用多德不亦孟浪余昔買沙參於燕

市与俗所云沙參者此而視之果鼠璞也○俗所云鄉黃連不知何草剉之無黃色嚼之無苦味根鬚細小委是別物倭黃連外染黃汁亦恐有詐

雜樹以爲厚朴蔓草以爲牡丹可乎許浚撰東醫寶鑑湯

液本草厚朴標唐字此時猶唐賈也近歲濟州裨將有

粗知醫藥者見冬青雜樹不知爲何木妄指爲厚朴遂廢唐

賈康津海南亦有此樹柯葉如山茶余昔賈之於燕市其味微辣峻烈

通中下氣而涇州來者味卷嚼之有沫如牛涎嘉慶丁丑冬燕

人求厚朴於東商東商以錢千兩賈厚朴以赴燕主顧

大喜俄而開苞點視愕曰此非厚朴客人狼狽矣遂以

余見不誤全苞還盆驗○余昔在谷山府作池亭列植花木白藥



奴令種牡丹奴曰將種花牡丹乎抑種藥牡丹乎余曰  
有以異乎奴曰花牡丹樹高尺許春生嫩梢三月發紫  
花大如芍藥者是也藥牡丹蔓生小草至秋發黃花細  
如薺花者是也其根酷肖圓厚銜骨而藥牡丹尤肥厚  
潔白故京城所用皆西路之藥牡丹也余取一苞視之良  
然其後偶閱松谷李提學詩名瑞云余於內局偶言牡  
丹皮之非真坐席不信戲爲長律曰神農本草舊多疑  
藥物山萌又見欺混麥猶迷雄黑豆離花那識牡丹皮  
肱經九折醫還錯口到三臠味自知卻笑世間名盡假  
假名名我我爲誰噫前人已知之矣

僧荷以為薄荷燕麥以為瞿麥可乎薄荷方言曰僧荷而

有唐鄉二種所謂鄉僧荷全無芳烈之氣京舖所用皆此物唯

所謂唐僧荷非唐實也土產而名曰唐与玻璃小瓶薄荷油氣味相

肖○燕麥一名雀麥一名鈴鐺麥方言瞿于里東人詩多以

為瞿麥誤矣瞿麥者石竹之莖也吾東吏文鈴鐺麥謂之耳牟

稷者粟也方言粟曰稷爾雅稊稷之注曰江東人呼粟為稊疏

云稊也稷也粟也正是一物曲禮云稷曰明稊說文徐箋云稷

即稊一名稊楚人謂之稷關中謂之麋其米為黃米古

者水田未盛生民大食稷為恒糧今北方猶然故聖人貴之

乃本草序列稷米在下品別有粟米在中品又似二物



爾雅疏

故俗儒惑焉吾東傳訛更甚以稗為稷牢不可破

夫稗者稗稗也似禾而別不在五穀之列

方言謂之被被與稗聲轉

也有水稗旱稗二種水稗莖葉與稻酷肖唯節間無毛

芸者難辨旱稗莖葉似稷更豐茂其稗安於飼馬其實如蕒而微黑吾東田種遂為穀類然稷者五穀之長以稗為稷豈不僭欵大小祭祀簠簋之實遂黍稷用充黍稷大不可也

胡麻者苴勝也東人名之曰真苴

其油曰真油

白蘇者薺寧也東

人名之曰水苴

其油曰法油

不知何故按爾雅蘇曰桂苴

揚子方言云關之東西或謂之蘇或謂之苴本草云苴

子可壓油

桂荏者赤蘇  
即紫蘇也

東人本執白蘇壓取其油遂名

為荏

白蘇油  
先出

後得胡麻其油更加於是喜之曰此真是

荏此真荏之所以名也然白蘇本非桂荏胡麻尤非荏

類俗成名立無以改正皆此類也今按胡麻一名油麻

一名脂麻一名芝麻方莖短葉其子有黑白二種油皆

極香滋味之最佳者也白蘇一名青蘇一名臭蘇一名

野蘇

方言云  
言訓

其油味劣不足以充食品也臚紙為薦堅

滑耐久以之點燈烟煤塞鼻海州之人取煤為墨亦非

佳品

藿黍者高粱也

其稈高  
丈餘

一名蘆稌

爾雅  
疏

一名蘆粟一名荻



梁其稈高有似蘆荻 一名木稷如高棉之稱木棉 其黏者謂之葛秫吾

東忽以此物名之曰唐其米唐米 糖或作 不知何故方言曰垂

穗 鄺風采唐之註曰唐蒙女蘿豈葛黍之謂耶葛黍

蓋本遼瀋間所上之穀山海經云不與之國烈姓黍食

肅慎氏之國釐姓黍食不与者扶餘也肅慎者今烏刺

寧古塔之地也此地恆糧葛黍居多所謂黍食即葛黍

之謂欤

蕎麥者烏麥也一名苽麥一名花蕎一名甜蕎本草稱蕎

麥莖弱而翹然易長易收磨麪如麥白居易詩云蕎麥鋪花白 吾東

乃以此物名之曰木麥方言云 公私文簿已不刊矣

以臬為紵亦訛傳也臬者牡麻也喪禮喪服之疏有子曰

苴麻斬衰之麻也無子曰牡麻齊衰之麻也爾雅翼有

實為苴無實為臬

丁氏韻書無子曰苴有子曰臬其義非

周禮典臬之疏

曰牡麻者臬麻也爾雅云苴麻母郭註云苴麻盛子者

麻母有子牡麻無子

案苴麻即麻母郭注分之為三等恐非

無子者其色

黃嫩所謂臬也紵者繇屬

說文云細者為紵粗者為紵

周禮典臬之

註曰白而細疏曰紵

古所云白紵

斯豈牡麻乎方言謂之毛

施

聲与牡臬近

故元並祖以耽羅內屬歲貢毛施布百疋

見元

史

紫草者訖草也一名訖葵一名紫芙一名紫丹一名地血



又名鴉  
衡草

以染絢帛謂之紫的者華語也吾東訛傳遂

以紫的呼為紫芝

的本入聲華音讀之如芝

轉呼為芝草豈不謬哉○

芝有二種一曰草芝二曰木芝草芝者蘭蕙之類有根

有葉開花結實有一年而三秀者抱朴子稱草芝獨搖

無風自動本草稱白苻芝大雪而華季冬而實朱草芝

九曲三葉葉皆有實凡如是者皆草芝也木芝者栢菌

之類內則所云芝栢是也有青芝赤芝黃芝白芝黑芝

肉芝

赤者如珊瑚白者如截肪

威喜芝

松脂之所成

龍鳳芝

物形萬殊不可盡述

形狀

詭怪稱述夸誕凡如是者皆木芝也

朱子詩以地與菌為玉芝

苳草何干

茶者冬青之木陸羽茶經一曰茶二曰檟三曰蒟四曰茗

五曰薺本是草木之名非飲清之號

周禮有六飲六清

東人認

茶字如湯丸膏飲之類凡藥物之單煮者總謂之茶薑

茶橘皮茶木瓜茶桑枝茶松節茶五果茶習為恆言非

矣中國似無此法李洞詩云樹谷期招隱吟詩煮柏茶

宋詩云一盞菖蒲茶數箇沙糖粽陸游詩云寒泉自換

菖蒲水活火閑煎橄欖茶斯皆於茶錠之中雜以柏葉

菖蒲橄欖之等故名茶如此非單煮別物而冒名為茶

也

東坡有寄大治長老乞桃花茶栽詩此亦茶樹之列名非以桃花冒名為茶也

薺苳者草珠也

方言云栗母

一名薺珠一名薺珠一名解蠡一



名芑實一名贛米

雷氏作  
穡米

一名屋茨

苗名

一名回回米

其性甚黏屑之為粉可作糜飲東人忽以薏苡為糜飲之名凡粉屑之可飲者皆稱薏苡於是薏苡為糜粉薏苡菜末薏苡蕎麥薏苡習為恆言不以為非

麩者麥末也東哲麩賦云重羅之麩塵飛雪白麥屑之謂

也東人麥屑曰真末

方言真  
如婁

而麩則認之為食物之名

方言曰  
芑水

誤矣然中國亦然其刀切者名曰切麩其榨壓

者名曰摺條麩其乾者名曰掛麩亦未必麥末為麩也

有豆麩

見山家  
清供

麩麩

陸游詩云邨  
店賣麩麩

有菜豆麩

見月令  
廣義

胡

麻麩

物類相  
感志

葛麩

王建詩云瀧  
泉調葛麩

菱麩

見月令  
廣義

莎麩

莎木  
之屑

也出南番外國榆麪刮白皮槐葉麪陸游詩云不數菜菔麪萊菔

去麪荳草麪汁中臘百合麪見山家桐皮麪東京之蓬

子麪唐書云關東大旱飢民食之枕榔麪西蜀人刮皮取屑汗漫久矣

醬者醢也方言醢醬有多品豉醬其一也芥醬卵醬見於

禮記雜骨之醬見於禮疏醢人麋麇之疏云有骨曰麇無骨曰醢漢史有

鰓醬史記西唐外史有鹿尾醬見禪山蘇軾詩有紅螺

醬酉陽雜俎有鰓子醬土司志有蝥子醬餘如魚醬鰕

醬蛭醬榆莢醬芍藥醬雜出諸書醢與醬未始有別至

王充論衡始有豆醬譚子稱菽醬而配鹽豉菽之解見於鄒

慎說文齊民要術鼓醬謂之大醬乃東人把此醬字為



豉醬之專稱訓之為醢卻多不信誤矣古人云麥麴米

豆皆可罨黃加鹽曝之成醬

齊民要術有作麥醬法小麥一石漬一宿炊卧之今

生黃衣以水一石六斗鹽三升煮作鹵澄取八斗著瓮中炊小麥投之攪令調勻覆著日中十日可食

但

知有菽醬亦疏矣

豉麴謂之燠造亦俚矣

豆腐者菽乳也豆腐之名原自雅馴東人認為方言別名

為泡 諸陵諸園各有僧院以供豆腐名之曰造泡寺

豆腐之串煎于鷄臙親友聚食名之曰軟泡會菜豆之

乳名曰黃泡或稱青泡公私文字用之不疑誤矣蘇軾

詩煮豆為乳脂為酥注云豆腐也又一醫書云人食豆

腐中毒醫不能治作腐家言菜菔入湯則腐不成遂以

菜菔湯下藥而愈

李廷飛延壽書

又蔬食譜云豆腐條切淡煮

蘸以五味豆腐豈方言乎泡者水之浮漚也不可作食

物之名也事物記原云豆腐本淮南王劉安所造明孫

作改稱菽乳謂豆腐之名不雅也

虞初新志云有一道士嗜菽乳

醃者酢漿也又醃之多汁者謂之醃醃者瀋也

吾東方言云烈子

蒙學不辨醃醃故脯醃讀之如脯醃

齏者鑿也鑿者道也又齏者臍胙也周禮醃人註云凡醃

醬所和細切為齏一曰擣辛物為之辛物薑蒜之類故

齏曰之謎為受辛也

三國志注介象既得鰓魚孫權又求蜀薑為齏

一作齏

一作齏一作齏一作齏一作齏一作齏



其音皆躋膳西切大抵齋者薑蒜之細切者也吾東方言曰藥廉

故齋粉得並稱細切曰齋其後轉為淹菹之名故楚辭

云懲熱羹而吹齋飲食之涼者莫如沈菜韓愈送窮文云太學四

年朝齋暮鹽皆淹菹之謂也東俗錯認以齋為齏胡介切

又轉為薤於是齋粉曰薤粉疏蒟多用之齋鹽曰薤鹽科文多用

吹齋曰吹薤胡介切豈不謬哉薤者非屬葷菜也一名

鴻薤一名菜芝又有野薤一名天薤生麥原中葉似薤而小

書法有倒薤之體樂府有薤露之歌

薑讓同訓皆云韭扇同訓皆云菜餘同訓皆云荔枝同訓

皆云辣烈同訓烈鹹織同訓登甘月同訓生蜜跪同

訓

哇 枷劔同訓

哇

風壁同訓

哇

橋脚同訓

哇

船腹

同訓

哇 池釘同訓

哇

山飯同訓

哇

齒蟲同訓

哇

眼雪同

訓

哇 蜂羅同訓

哇

鯨炕同訓

哇

涎舞同訓

哇

酒匙同

訓

哇 軒宗同訓

哇

隊後同訓

哇

凡若此類蒙穉無知

何以辨矣聚而類之則互相映發散而亂之則互相眩

惑余曰周興嗣千文不如徐居正類合

離松幘刷其訓同

哇

鍾鼓校北其訓同

哇

飛生刃日其訓

同

哇

盈寒蹴佩其訓同

哇

馬斗莫椓其訓同

鷺其訓同

哇

掃苦寫用其訓同

哇

焦和乘彈其訓同

債梳光橫其訓同

哇

午晝鎌面其訓同

哇

兄孟味煙



其訓同맛 夫居膚買其訓同살 沒掘臂賣其訓同팔 又

奚特二字混哉

以辛為苦辛曰 以魚為肉고기 以涕為淚涕者鼻液也非字 以遂

為踏트 以翔為翼생개 以豕為豚豕亦云矣 然

豕豈子 以拱為插拱 以捧為受官所領受謂之捧上已載法典文集亦刊行

訓門為久門 詰龍為豫龍 若此之類全是指鹿為

馬不止喚鼠為璞

金金異音姓氏曰 狀狀異音文牒曰 辰辰異音良辰

戊辰庚辰曰丑丑異音 公孫丑曰齊 則則異音助辭曰

下下異音上下曰 又何也

澣浣異音

上曰澣下曰浣皆非也本音澣

追逮異音

本同字

趣遁異音

上曰下曰

音丘本

寨砦異音

上曰下曰

若此之類

不可盡數一任荒亂莫之患改

宦宦以別之

仕宦則用本字閭宦則加穴

畫畫以別之

下字

著着以別

之著述用本字著實用俗字

閒間以別之

下字

凡一字二義者何限

皆欲增其點畫變其戈波以自標別可乎

浙瀝誤作浙瀝模糊誤作模糊

刷入聲也

數滑切方言篇謂之舌是刷音

刷入聲也

咨插切

並去終聲呼以

別音

刷作州刷作太

逼本音

齣讀之如之

齣音

頃本音頤讀之

如脫

起慶曰生頃託故曰稱頃

岵用為嶺

金剛山有嶺

寺字典無岵字

覽以代啞



虎啞人謂之嚶  
字典無嚶字  
皆俗習之難改者

阿有多義無非平聲唯阿儺之阿為上聲  
婀娜也 音同 又音屋

阿誰阿母阿爺阿孃阿妹阿嬌阿瞞阿蒙阿戎阿咸之

等悉皆音屋  
李芝峰云當音遏非也 又音遏唯佛書阿難之阿讀

以遏音

一級者一等也秦法斬賊一首拜爵一級故一首曰一級乃

東語凡編物至十謂之一級  
方言曰 三呂 海艾一級乾魚一

級  
魚或以二 十為一級

千金者黃金千斤也秦以一鎰為一金  
二十四兩也 漢以一斤

為一金  
十六兩 故露臺百金為中人十家之產也東語銅

錢千兩謂之千金萬兩謂之萬金則錢十兩何得為一家之產

一貫者其錢千文也大明律盜錢者一貫二貫其罰有差

皆以千錢為一貫

吾東之十兩

一緡亦然

緡者錢貫也

吾東百錢

一串謂之一兩乃以一兩借名一貫亦名一緡此商於

之地六百也中國又以錢十六葉名之曰一陌

一虔者兩腕之引長也

虔音託方言曰豈

一拏者兩指之引長也

拏音礪方言曰啞

嘗見譯書左端至右端謂之一虔其半截謂

之半虔

人各不同故不云尺寸

食指一拏謂之一虎口

拇指與食指引長

長指一拏謂之一扎

我所云長拏

乃東語一虔謂之一把

豈



其擘則無文

一把者一握也拱者抱也以一手度圓物其一握者謂之  
一把以兩手度圓物其一抱者謂之一拱孟子所謂拱  
把之桐梓亦圓物也說文徐箋云拱者兩手大指相拄也乃東語以一度  
爲一把嘗見均役事目其度船長短皆云一把二把讀  
之如一丈二丈後人何以徵矣

三寸以稱其叔父亦陋習之當改者東語伯父叔父曰三  
寸伯父叔父之子曰四寸從祖祖父曰四寸大父其子  
曰五寸叔父過此以往皆如此例以至於八寸兄弟九  
寸叔父謂之寸內之親其法蓋以父子相承爲一寸

叔伯

父為三寸者我與父一寸父與王父又一寸王父與諸子又一寸共三寸也四寸五寸皆如此例 雖族

兄弟謂之八寸必自己身潏而上之以至高祖計得四

寸已與父一寸父與祖一寸曾祖一寸高祖一寸又自高祖順而下之計得四

寸是之謂八寸也高麗之時已自如此故李牧隱集云

外舅花原君之內外孫凡於慶弔迎餞相聚曰四寸會

李德樾夾葉記引此文高麗史忠宣王世家元朝詔諭有外四寸

之語經國大典服制之章皆以三寸四寸別其親遠今

為不刊之文然子弟稱其父兄曰三寸四寸大非敬禮

不可蹈也



雅言覺非卷之二

洌水 丁鏞 著

納采者士昏六禮之第一禮也其禮在問名納吉請期之前采者采擇之意也今以玄纁致書名之曰納采此古之納徵第五禮俗傳有誤也甚則以米爲緦以玄纁爲納緦豈不野哉

醺者父以酒飲其子也昏禮壻將行父醺之其辭曰往迎爾相承我宗事勗率以敬先妣之嗣若則有常此之謂醺也今人誤以夫婦共牢之禮謂之醺禮大誤矣冠禮亦有醺賓以酒飲冠者也始加之醺其辭曰旨酒既清

嘉薦宜時

共六句

再加之醺三加之醺其辭各殊

各六句

夫

婦共牢豈醺禮乎嘗見中國文詞再娶謂之再醺則沿誤有自矣○說文以醺為冠昏之祭然考之禮經不是祭禮按冠義疏云酌而無酬酢曰醺此是正義

嫂者兄妻也東俗弟妻亦謂之弟嫂叔者夫弟也東俗夫

兄亦謂之叔氏

呼之曰阿自般伊

妹者女弟也東俗姊夫亦謂

之妹夫皆誤○弟妻曰姊兄妻曰妯娌又妯娌之所稱

非嫂叔之所宜言

姑者父之姊妹也東俗謂之姑母大誤也異姓而後方有

母名天下無同姓之母○謂我姑者我謂之姪今昆弟



之子稱之爲姪恐爲非禮此自中國沿誤已久不可猝

革

姪訛爲姪尤非也姪者癡也

聘君者徵士也朝廷以玉帛聘之故謂之聘君南史陶季直濬於榮利徵召不起號曰陶聘君聘君者徵君也朱子娶今人劉氏劉氏之父亦本徵士故朱子稱之曰劉聘君東人錯認遂以妻父爲聘君又轉爲聘父以妻母爲聘母轉輾註誤一至是矣今人或問其義解之者曰壻之娶也玄纁以聘之故禮曰聘則爲妻奔則爲妾旣云妻父豈非聘父斯又曲爲之說也丈人丈母亦俗稱空從爾雅呼之曰外舅外姑

甥者語聲也本与喃通唯東哲之賦有此甥字

帖誦細語也亦作帖

滿

東俗妻之兄弟謂之妻甥不唯是也人有一男一女

輒云生此甥妹

高麗史選舉志云文武官許子蔭官無直子者許姪甥女壻

大抵女

子婦人謂其兄弟曰甥

方言元阿卑

無攸據矣○婚姻之家

嗣為兄弟見於禮經妻黨曰婚兄弟壻黨曰姻兄弟非

無文也

王慎海連文釋義云妻之父曰婚壻之父曰姻

父与甫通男子之美稱也巢父仲父

管夷吾

亞父主父

范增主父

偃

皆當讀之為甫田父漁父樵父之類亦莫不然

今皆讀之如父母之父誤

化工者上天造化之工也東人忽以化工呼作化翁書牘



詩律用之不疑嘗有赴燕使臣詩用化翁字彼人問曰  
化翁是甚麼

戚者親也同姓曰內戚異姓曰外戚東俗相傳同姓曰族

異姓曰戚無攸據也孟子云使疏喻戚疏戚猶親疏呂氏春秋父母兄

弟妻子謂之六戚孔叢子云親戚既沒雖欲孝誰為孝父母之謂也汲冢周書

內姓外昏友朋同里謂之四戚義可知也左傳云周公

弔二叔之不咸封建親戚魯衛毛聃皆同姓魯世家云徧封同

姓戚者封周公于少昊之墟魯同姓孟子云有貴戚之卿

即父兄大臣商鞅云法之不行殆于貴戚即太子公子皆以同姓

為戚無異姓也漢書辛慶忌傳云近戚主內異姓距

外晉書苻氏祀以苻融為懿戚北史周宗室傳贊以宗

室為賢戚

云分命賢戚布于內外

亦皆以同姓為戚唯史記漢書

以后族妃族謂之外戚戚里戚畹遂為外戚之名然外戚猶言外親豈所謂異姓曰戚耶

鄉者嚮也王京左右部之相嚮也今郡縣閭里謂之鄉邨

本地曰故鄉客地曰他鄉山曰鄉山園曰鄉園儒曰鄉

儒畧曰鄉畧鄉曲之俗鄉亭之職其與京都輦轂之地

別而遠之也久矣然古者匠人營國畫為九區

畫之如井田

王宮處中

宗廟社稷在其內

面朝後市

又二區

左右六嚮兩兩相

對鄉者嚮也五家為比五比為閭

二五家

四閭為族五族



爲黨五百家五黨爲州五州爲鄉萬二千五百家王京之有六鄉

如我邦之有五部其有州黨如五部之有四十八坊鄉

大夫者六鄉之大夫也州長黨正者六鄉之教官也各掌

其所屬鄉飲酒者王京之飲酒也鄉射禮者王京之射禮

也鄉八刑者王京之律令也孔子在鄉黨者在京城之

內也孟子友一鄉之善士者友京城之士也今以郡縣

爲鄉方言云柴骨故鄉飲鄉射只令郡縣行之郡守縣令爲

鄉大夫京城五部之內莫之議到斯皆不覈之過也

洞者空也洞穴者空穴也今俗以里爲洞里中曰洞內里

甲曰洞長里會曰洞會無攸據也石鍾乳生於洞穴名

峽

曰乳洞

吳融詩云又如鍾乳洞雷開巖谷陸游詩云山溪乳洞藥爐冷

吾東黃海道

多洞穴游山者引燭繫繩而入

顧況詩云引燭窺洞穴

又風穴謂

之風洞

一統志云風洞在刻石山遇風雨聞鼓樂聲

洞者空穴也又洞者幽

壑也華陽洞白鹿洞小有洞仇池洞皆幽壑之名輦載

華腴之地本無幽壑而京城五部其里巷衙衙都以洞

稱桂山洞安國洞會賢洞長興洞不可勝數意者三清

洞白雲洞

在北山

本以幽壑得此洞名其非幽壑者亦皆

冒稱也

巖者石有穴也金農巖云

金公昌協

中國人稱石之有穴者曰

巖如永川之朝陽巖始興之玲瓏巖永福之方廣巖桂



林之伏波巖皆是也。不然雖千仞巨石不以巖稱。按字書石窟曰巖。溪通曰洞。農巖之說是矣。然巖礪出岩本

相通。說文徐氏箋云：从品象巖厓連屬之形。則東人稱

巖亦未誤也。紫石巖在東京萬歲山、武夷巖在建安、慈姥巖東坡詩

藥珠巖宋濂序。豈必皆有孔穴乎？水經註云：沿江有峻壁百餘丈，有一白鹿陵峭。

而上故名白鹿巖，雖無孔穴亦名巖矣。

巷。壑坑塹，方言皆謂之屈亢。故以壑為巷者多矣。然壑者

谿谷也。巷者里涂也。門與巷直，故謂之門巷。村以巷行

故謂之村巷。方言所云：邑号。僻居曰僻巷。狹小曰陋巷。曲折曰

委巷。皆門巷村巷之謂也。鄭風云：巷無居人。謂里中無

人豈謂豁空虛乎又宮中牆廡相通之涂曰永巷列

女傳云姜后脫簪待罪永巷周宣王范曄傳云曄佯入永

巷亦所云

湖者大陂也陂者澤障也水形如鳥獸之有胡囊故曰湖也詩疏

云鵲鵲有胡囊幽風云狼跋其胡五湖太湖洞庭湖青草湖皆大澤曰

湖特与江水相通相溢耳西湖鏡湖之等皆如吾東之

大堤蓄水以溉田非流水之名俗儒錯認以湖為江用

湖如浦蠡洲曰東湖冰庫曰冰湖銅雀曰銅湖麻浦曰

麻湖西江曰西湖凡江海之濱臨水之地悉名為湖而

義林池空骨池合德池碧骨堤景陽池南大池真是湖



也而詩人墨客臨汎游覽終不敢用一箇湖字豈不疏

哉肅慎古地有鏡泊遼東外徼有葦葦澤二字本相同猶之

為雅馴矣或曰忠清道稱湖西者以在義林池之西也

全羅道稱湖南者在碧骨堤之南也不知然否

江河本各一水名出於岷山曰江出於昆侖曰河後並為

流水之通名詩書所稱皆非通名然猶南方曰江北方曰河牂牁

江盤龍江南水也桑乾河太子河北水也近世益無分

別黑龍江混同江在於北方西蠡河在太湖之下通漣河在淮

南在於南方已汗漫矣然江界府江西縣江東縣必在

北方平安道河東府河陽縣清河縣必在南方慶尚道昇哉

又如詩人紀行儼稱江南江北尤覺顏厚渌水鴨渌薩

水即清渭水江大同能水江能成瀦水江禮成帶水江臨津洌水

水即漢泗泚水江自馬瀦水江陽正滌水江榮山潺水江豆治瀦水

江菁川潢水江洛東潢水江豆滿各辨其名不亦可乎

漢水出贊皇山列為四瀆吾東復有漢水可乎此本洌水

揚子方言朝鮮洌水必以並稱而列口吞刻之名見於

漢書江華豐德洌水其本名也特以漢武帝既滅衛滿

以洌水以北裂為四郡而洌水以南許為韓國即三其

後漢光武又遣吏薩水以南洌水以北屬漢洌水之南

仍作三韓即此一水為華夷之大界三韓之人遂指洌



水為漢水漢水云者皇漢之水也非水名也

水出兩峽中其兩厓迫水之路東俗名之曰遷瓮遷

在通川

兔遷

在聞慶

斗尾遷月谿遷

在河

無收據也此等土語未

嘗不雅必揭雄載之於方言孫穆錄之於類事徐兢之

記董越之賦已經收入然後方得用之於詩文矣

遷方言別

吾

東俗訓蒙山只有峰

方言曰不伊

水只有濱

方言曰勿可

何以文矣

嶽者山之宗也

如泰山華山

崗者山之脊也巔者山之頂也

岫者山之穴也岑者山高而小也宇各異義唯山銳作

鋒者為峰今並訓之為峰可乎

皆訓云不伊

洲者水中可居

之地也渚者小洲也汙者小渚也汙者水之岸也渚者

水草之交也字各異義並訓之為濱可乎

皆訓云

東俗訓蒙地只有原

方言曰

居只有屋

方言曰

何以文矣崖

岸一類也

崖者山之隅也岸者水之干也

隴阪一類也

山脅也大阪曰隴長阪曰坡

丘阜一類也

土山也

陵阿一類也

大阜也

阡陌一類也

田間道也

皋者澤之岸也陂者澤之障也字各異義今並訓之為

原可乎

北沃沮古地方言凡隴阪謂之德見輿地志京畿謂之言德

家室宮闕宇宙

廬舍館閣臺榭堂廡之等字各異義今並訓之為屋可

乎

東俗訓蒙車只有輪

方言曰

花只有尖

方言曰

何以文矣



輻者輪之橈也訓之如輪軸者轂之貫也訓之如輪訓皆

云朴轂者輻所湊也轍者輪所碾也軌者轍跡之限也

轄者軸端之鍵也軫者車後之橫木也轆者車前之曲

木也字各異義文各殊用今並訓之為輪可乎○藥者

花之鬚也杜甫詩云花藥上蜂鬚萼者花之跗也韻府注云花內曰藥花外曰萼

英者花之無實者也爾雅云葩者花之含也張衡賦云百卉含葩字

各異義今並訓之為花尖可乎

東俗訓蒙酒只有盛与琰同船只有篙方言沙牙大何以文矣周

南卷耳疏云一升曰爵二升曰觚三升曰觶四升曰角

五升曰散字書云一升曰杓四升曰卮七升曰觥而杯

与觴為其總名雖諸說不同而其以大小異名則審矣

今燕市賣酒亦大小異器以斤兩為差又夏曰琖殷曰斚周曰爵說文則

三代各異名矣又象雀之形謂之爵六觚曰觚說文則

所以象獸之形謂之斚罰酒曰觥觥舍所用謂之觥與與通彝者

彝尊也壘者雷尊也尊者大器也今並訓之為盛可乎○

進船之具亦各殊用櫂櫂一類也劉熙云在旁撥水曰櫂又短曰楫長曰櫂

櫂槳一類也在尾曰櫂在旁曰槳故縱曰櫂橫曰槳橈桡一類也皆似楫而小

皆所以撥水進船也船尾曰梢今作正船曰舵今作其

所以刺船使進者唯篙而已進船揚子方言云所以刺

船者謂之篙今俗以櫂楫諸字並訓為進船之竿訓云少牙



大却以篙爲篷訓之爲覆船之物誤矣北方無竹皆以木爲篙故不知船竿

鐺者量酒之器吾東之造字也今郡縣餽贈以酒五盛謂

之一鐺

中國無此字

方言謂之大也盥器亦謂之大也唯大

小不同耳按匜者酒器亦稱盥器然則去鐺從匜不害爲書同文矣

缶者土器也以盛酒漿秦人鼓之以節其歌

今俗四月八日設盆水汎

匏其上擊之名之曰擊缶

杖鼓者腰鼓也本非族類東俗訓蒙缶曰

杖鼓每授蘭相如輒云秦王擊杖鼓豈不謬哉

瑟者琴類唯絃數倍多或設二十五絃或設五十絃琵琶

者馬上之絃長不過一尺五寸其大小懸殊東俗訓蒙瑟曰琵琶豈不謬哉

琴徽者表節之貝玉也

樂書或作暉

或植九徽

宮之羽為羽之宮故設九徽

或植十三徽

五音則九徽七音則十三徽

所以別諸絃五聲之限也

漢書揚雄傳註云琴徽所以表發撫抑之處嵇康琴賦

云徽以鍾山之玉琴譜云或用珠貝為之取月下明瑩

易見也我邦玄琴本非正琴

方言黔隱扣

背無徽玉於是以

絃為徽訓其兒穉豈不謬哉○玄琴背有橫緒大小數

十名之曰卦古無此制此殆膠柱而鼓瑟也士大夫家

置一琴宜考古制去卦設柱列植珠玉之徽方纔免俗



耳

洞簫者列管無底之物也風俗通云舜作簫其形參差以象鳳翼十管長二尺博雅云簫大者二十三管無底小者十六管有底漢書元帝紀吹洞簫如淳註云洞簫簫之無底者洞者上下洞徹也蘇軾赤壁吹洞簫亦是此物東人錯認乃以五孔長笛名之曰洞簫笛音小悲想見其如怨如慕如泣如訴其實東坡所聽不是此聲

磬者玉石之倨句者也今之僧院皆以小鍾爲磬

方言云磬衰衰

者金也

不可知也齊書百官志太祖造鐵磬李頎詩曰墜

葉和金磬雲仙雜記有青銅磬中國固有金磬矣然其

倨句曲折兩股相比則同於石磬不至以鍾而為磬也  
宋祁筆記云今浮屠持銅鉢亦名為磬則又不必倨句  
者為磬也東人簷端小鉢垂丸如鐸風觸作聲名之曰  
風磬亦誤

角者軍中之吹器也軍書稱蚩尤率魑魅與黃帝戰帝命

吹角為龍鳴禦之杜甫詩云永夜角聲悲自語今螺角

木角

軍書名之曰時羅

聲皆蠢濁無悲切如訴之音故邦人每

聞號笛誤認為角吟想杜詩歎其善形其實杜之所聽

不是此聲號笛者瑣吶也

紀效新書吹瑣吶

俗稱太平簫非角

類也按舊唐書音樂志云西戎有吹金者銅角是也長



二尺形如牛角貝螭也司空曙詩云雙龍金角曉天悲杜之所聽應亦金角故悲切乃爾我邦軍物未有金角

無以識此聲也喇以聲亦吹金非金角之類

弁者周冠也爵弁皮弁今雖未詳今所用祭冠宗廟祭官之所冠

朝冠俗所云金冠蓋其遺制考之禮註不甚相遠今人忽以

僧徒所著一摺之巾名之曰弁方言曰曲葛豈不嗟哉一摺之

巾本非華僧之制東僧西山休靜始著此巾其頂尖銳

不忍正視而俗儒錯認為弁訓兒如此○今司憲府義

禁府卑隸及郡縣侍奴方言曰及唱皆著尖幘而名曰鐵加

羅訛傳云加羅者鉄也鉄亦方言鉄未屬柄其形如幘



故名加羅也加羅伽俾聲相通故并辰加羅國亦稱伽

耶國

即金海首露之國

加羅既稱并辰則古又以加羅為并矣

○後漢書高句驪傳云其小加

官名也

著折風形如并

東人

自云如并

南齊書東夷傳云俗冠折風一梁謂之幘

今阜隸所著加

羅果亦一梁前突

使人在京師中書郎王融戲之曰服之不衷

身之災也頭上定是何物使人答曰此即古并之遺像

也

案折風即加羅而使人以折風為并則東人以加羅為并審矣

笠者簷也以竹為之有柄曰簷無柄曰笠

見韻書

而越謠云

我戴笠君擔簷

戰國策云

似乎有柄者擔之無柄者戴

之然詩云爾牧來思何簑何笠何者擔也左傳笠戴之



註曰兵車無蓋邊人執笠依轂而立以禦寒暑既云執  
笠則其有柄可知世說稱謝靈運好戴曲柄之笠則有  
柄亦稱笠其形如今之雨傘者也然田野之人漸以代  
冠幘故詩云彼都人士臺笠緇撮郊特性以草笠爲黃  
冠也北史云流求國人織藤爲笠指月錄云禪家著機  
笠張志和詩云青蕩笠綠蓑衣戴荷葉者亦名荷笠見諸詩又不必  
竹爲之也但其形制上尖以之禦雨故旣夕記云梟車  
載蓑笠注備詩疏云蓑以禦雨笠以禦暑管子云禁扇去笠晉  
書天文志云天形如笠中央高而四邊下其尖可知今  
東人之所謂笠者以竹爲帽織竹爲簷裏以細布固以

膠漆形非上尖用非禦雨

其頂平而膠漆不能雨故遇雨別用油紙罩之

冒名

為笠乃於田野之本笠別名曰蓑笠夫一蓑一笠原是

二物可名一乎

陳旅詩云山雨寒洒高麗笠彼又以雨笠為東物也

○喪者別有

喪笠名之曰方笠

其形正圓狀如荷葉不可曰方

錦南崔溥以憂服漂

到中原彼人物見喪笠怪而問之崔答曰此古臺笠之

遺像也

喪冠謂之屈巾喪服謂之祭服亦陋習也士大夫子弟口

頭空無此聲冠頂折摺故名曰屈巾空今彎圓不折摺

也

此隸之人又以倚廬名之曰祭廳切不可效

帖裏者戎事之服也續大典曰堂上官藍色帖裏堂下官



青玄色帖裏郊外 動駕時紅色帖裏其文歷然今俗

誤以爲天翼或以爲綴翼疏劄用之○帖裏之制上衣

下裳有辟積如古之澁衣

額掩者貂鼠之帽也華音額讀如耳中國今無入聲東俗訛傳遂

以爲耳掩經國大典堂上官貂皮耳掩堂下官鼠皮耳

掩其沿誤已久也於是朝官所著其制高大謂之耳掩

毛圍高吏胥所著其制環繞謂之額掩毛圍其實本皆額

掩非耳掩也本可掩額不能掩耳

護項者繞項之毛幘也華音護讀如揮護音卒東俗訛傳遂以

爲揮項貴人貂皮揮項賤人鼠皮揮項其沿誤已久也

於是頭盔所綴以有明文謂之護項諸武書有文常服所著

以無明文謂之揮項其實本皆護項無揮項也

套袖謂之吐手者華音之誤翻也華音套袖作吐斗頭盔謂之鬪

具者華音之誤翻也華音頭盔作平刊褂子謂之快子者華音

之誤翻也華音褂子作叫五頂子謂之微子者華音之誤翻也華音卓子作丑五

華音頂子作引五卓子謂之造子者華音之誤翻也華音卓子作丑五

賢頭誤翻為甘土華音本占平縐紗誤翻為走袖華音本平作屯絹

誤翻為佟絹華音本平作唐巾誤翻為宕巾華音唐為宕木綿誤

翻為武名華音本平作斜皮誤翻為黍皮華音本平作鞏工誤稱青黍皮白

皮黍音本鋪墊誤翻為鋪陳華音本平作錢糧誤翻為賤量華音本見



頭錢誤翻為投戔

華音本平冠然頭錢者格錢也又非馬弔祗牌之本名

圖書誤

翻為套署

華音本平介今俗木刻者謂之套署石刻者謂之圖書

舫工誤翻為沙

工華音本

巢網誤翻為曹旺

華音本

栲栳誤翻為枯柅

華音本

笱籬誤翻為釣來

華音本

甯栗誤翻為皮里

華音

本

玳瑁誤翻為菩里

華音本且玳瑁眼鏡俗謂之麥鏡其轉輾

如此誤玳瑁翻為巴琅華音本玳瑁青者

訛誤

垂穗華音本

白菜誤翻為拜草

華音本

華音本

武侯菜誤翻為無憂菜

華音本旱草州

如此

之類不可勝數

謂之以言未嘗有誤

華音

譯之為文

乃成異物

從東音以

夫物名流傳多出僕隸文字譯成皆由

為文故

乃成異物

乃成異物

學士由是言之文物之至今蒙昧皆士大夫粗率之咎也

棉布者大布也東俗謂之白木棉布之肆名之曰白木廛

以至稅布曰田稅木賦布曰大同木升數多者曰細木升

數少者曰麤木載之法典刊之文集豈不疏哉朴燕巖

名趾源 日記云織麻則當曰麻布織苧則當曰苧布織棉

則當曰棉布案苧布直當云何必織麻之家專名為布

衲衣者補紕之衣也東人誤翻為縷飛衲衣華音按譯書

細縷飛正字曰細衲杏紕叶叶曰實衲原初僧家縫補

破衣名之曰衲後漸精細新布新帛亦皆衲之耳實覺

禪師以磨衲贈東坡卽今之細衲也縹衲青衲斑衲翠



衲緋衲紫衲

魏書蠕蠕國人拜辭詔賜緋衲袴褶紫衲袴褶各一具

並見詩史而

東詩唯用白衲白衲之稱不見古詩

逢掖者大袷之衣也逢者大也禮記曰魯之逢掖者皆儒

與儒行今人傳訛皆作縫掖誤

搭連者馬上衣衾之包也對搭相連故名曰搭連

兩包相對搭

東人誤翻為大練

華音搭連本叶烈

從人假借者書求搭連則

人莫之應斯其所以難變也今象譯之家多博雅以習

華語也

推鉈者削木使平之器也東人誤翻為大牌

華音推鉈本作引聲相

近鑄子謂之茨貴

小斤砢刀謂之引刀

慰縫之具

隱囊謂之

按席

席作囊以凭之

名物蒙昧皆如此

鼎者飪器也三足兩耳上橫王鉉和五味之寶器也考之

儀禮諸篇凡牲獸諸骨皆烹之於鑊升之以鼎移之於

俎於是餘滫在鼎

肉汁也

芼之爲羹其爲器尊潔非如鑊

釜之屬東人錯認乃以鍋銚之等呼之爲鼎炊飯蒸餅

以爲鼎實有自燕京回者得周漢古鼎黹光粲然傳相

撫玩猶未悟自己竈下本無此鼎王勃詩序鍾鳴鼎食

以爲豪富傳相誦習猶未悟自己平生原未鼎食書牘

詩律皆不免以銚爲鼎豈不謬哉○鉉者鼎之扃也所

以貫鼎而舉之也

扃者鼎也義同俗

訓爲鼎耳亦誤



圭者瑞玉也笏者手版也二物絕殊本非族類東人錯認  
訓圭爲笏可乎王執鎮圭公執桓圭侯執信圭伯執躬  
圭皆玉器也詩云白圭之玷尚可磨也笏者備忘之版也天子以球  
玉諸侯以象大夫以魚須文竹士以竹形制不同其用  
各異豈可混哉

轡者車上控馬之索也詩云六轡如琴言轡自馬頭至于

御者之手均張如琴絃也

兩服重行在中兩驂雁行在左右故四馬而六轡若四馬

並列則當爲八轡矣

革轡曰倮革東語直謂之革

方言云倮也

其訓蒙

鞅以轡爲鞅

方言云鞅也

鞅者羈之餘也下馬則執鞅以牽

之上馬則執轡以控之不可混也左傳鞅鞅鞅鞅之註

曰僖二十八年在背曰鞵著掖之鞵也在胷曰鞵橫經其腹下

在腹曰鞵說文以鞵為頸組在後曰鞵方言吳各有文也馬之

被具謂之鞵鞵者鞵也方言云馬之緊鞵謂之鞵本作紂

鞵者鞵也方言吳直當馬後

引者鞵也御柅之索也在殯曰鞵在垣曰引謂引柅以就

壙也蒙士唁人啓引或以為發鞵誤矣鞵者馬胷之革也

銜者馬勒之在口也又銜者官階也俗作銜或作銜或作

銜或作啣並是訛誤無可用也俗儒不覈官銜則作啣有

云具啣單啣馬箝則作銜昔一館吏書之曰官銜學士罵之

令改作啣吏俛首改之



遺事

任者擔也人所負也易曰力小而任重鼎九論語曰任重

而道遠孟子曰治任將歸皆擔負之謂也東語任轉爲

朕終聲之相近以朕爲占初聲又相近以占爲卜東語卜曰占於是一

負曰一卜二負曰二卜田籍例輜重之馱曰卜馬裝辦之

載曰卜物任重曰卜重官馱曰官卜私裝曰私卜用之

書啓載之法典

牌子者軍令之書傳也軍中本有防牌外面刻畫人獸之

面大將以文帖傳令於列校列郡則紙揭牌面下書軍

令以示威信昔在萬曆天兵東出李提督名如松楊經理

嘗用牌子傳令當時軍校之家尚有傳者乃俗儒錯

認凡尊者下書于賤者卽名牌子小紙片札衰颯陋拙  
之語名之曰牌子以寄吏胥以寄奴僕豈不羞哉○然且  
牌子亦謂之牌旨嘗見譯書唯皇帝之命稱皇旨詔旨  
非匹夫所得僭也日本之俗凡相敬處稱殿何以異  
是

句者文所止也中國詩律七言以七字爲一句五言以五  
字爲一句四韻則八句也吾東每以一聯作鶯鶯隊雙  
行書

中國無此法

於是以一聯爲一句四韻曰四句十韻曰

十句大誤

古風者李白古詩五十九首之一名也東人蒙穉習爲詩



句未能叶韻名之曰古風其五言短篇謂之小古風其  
七言長篇謂之大古風儼爲文體之一亦陋習也中國  
雖童穉學語自古以來無不韻之詩故短謠鄙諺零言  
碎句未嘗不韻

寧詩無刀二字叶韻也潁水濁灌氏族三字句叶韻也

唯佛氏偈

語如五言詩而不叶韻名之曰伽陀之詞

詩詞之謂風月亦未雅馴金安國贈江原都事詩曰永郎  
風月三千首無竭烟雲一萬峯蓋本歐陽永叔贈王介  
甫詩云翰林風月三千首吏部文章二百年又金劉內  
翰著鷓鴣天詞云翰林風月三千首寄與吳姬忍淚看  
非無據也老學菴筆記載呂居仁詩云好詩正似佳風

月解賞能知已不凡此詩在吾東卽爲疊牀語非二物  
安得相似

儷文叶律者俗謂之律表亦疎矣儷文自滕王閣詩序乾  
元殿頌下逮歐蘇汪藻劉克莊諸家凡賀表謝表無不  
字字叶律朱子不以藻繪自命其謝表猶謹守格律明  
清諸作及新羅崔致遠高麗崔滋金以至國初諸家之

作莫不皆然忽自中世以來儷律大壞唯於上下句絕

之處平仄相間而字字叶律之法無地可問於是文苑

鉅工別循古格名之曰律表任疎菴名叔英作游斜川詩

序斜川卽李五峰好閑山莊李松谷名瑞作送荆軻入秦序代人皆



云律表而科場表箋及藩臣賀箋及燕京賀箋皆不叶律見侮於天下貽笑於後世將如何哉嘗見流求國賀正表猶字字叶律合於調格曾是不若謂之何哉

詩傳者風雅頌之傳註也毛氏傳朱子集傳又各不同書傳者尚書之傳註也孔氏傳蔡氏集傳又各不同今之蒙士直指經文謂之詩傳書傳甚則曰詩傳大文書傳大文亦誤矣昔有人作俳語云詩書之稱詩傳書傳猶水獺之稱水獺皮

用其皮故全身冒其名

豺漆之稱五加皮

不名云五

加其言雖佻可以砭俗

史記雖無批評呼之曰史記評林

吾東所刻非評林

通鑒雖已節

要呼之曰通鑒

東兒所讀皆江  
鎔通鑒節要

三國衍義話爲實事呼

之曰三國志而聞陳壽正史目爲奇書皆陋習也

反切者翻切也

反音翻

訓民正音字母一行中聲十四行錄

于一紙名之曰反切謂字音反切直明於一字之音也

今人訛傳爲半截謂紙半截可錄此文非矣

都目者百官考功之都錄也今以六月十二月序陞之籍

謂之都目非矣按高麗之制六月謂之權務十二月謂

之大政吏兵部分掌凡九品以上及府衛隊正府史胥

徒皆著其年月錄其功過每於歲杪陞黜謂之都目李

齊賢疏云置考功司標其功過論其才否每年六月十

二月受都目考政案用以黜陟今以注擬之籍名曰都目誤

鄉所者京所之對稱也今無京所猶稱鄉所無義也國初之制每一邑擇邑人之仕于京者名曰京所凡其邑之事勾管調護又擇邑人之有材望者名曰鄉所使之在

鄉輔政

京所之名見  
眉卷日記

荷潭日記云

世宗大王以忠寧

大君為咸興京在所又松窩雜錄云東萊守將罪鄉所移關京所請適其任時鄭文翼公名光為京所堂上

歸鄉者高麗之律名今之所謂放歸田里也

今之歸田任  
住鄉里不定

一處歸鄉者歸其  
本貫移動不得

今徒流竄置通稱歸鄉非矣高麗史



刑法志云官吏受財枉法者徒杖勿論收職田歸鄉僧  
人盜寺院米穀歸鄉貿易官物者除歸鄉依律科罪又  
云判鎮人犯歸罪者仍留配本處官私奴婢招誘良人  
子買賣者歸鄉女人  
再犯歸鄉其律在笞杖之上徒流之下

其人者鄉吏之應役於京邸者也今人謂國初宗室貴人  
防納貢物不敢斥言謂之其人非矣東史云新羅高麗  
之時送鄉吏子弟爲質於京備其鄉顧問諸事謂之其  
人至我朝役殊而名存任之者利厚所供者荆柴炬  
炭之類今其人之額三百二十六人人給米百十石歲  
輸米三萬五千石

兩班者東西二班高麗所謂文班虎班是也高麗避武宗諱武班曰虎

班今尚沿其名士大夫者堂下官周禮有上士中士下士堂上官之稱也

吾東貴族白徒無成猶稱兩班一命未沾猶稱士大夫

名實有未當矣○俗語貴族謂之韓骨兩班韓骨者第

一骨也南史稱新羅之俗貴其世類王族曰第一骨后

族曰第二骨然則璿派之外皆非第一骨矣

生負者學生之有額者也東法詩賦上庠者為進士經義

上庠者為生負公格則然而私言咸稱進士其白徒則

生曰幼學鮮八十者死曰學生科場封又子女未成曰

書房子女既婚曰生負稱謂皆絕無義例不知何故

今考譯書鄉舉曰舉人或云鄉試應試曰童生入格曰

生負增入曰增生食廩曰廩生秀才食入於副榜曰貢

生會試入格曰進士未經殿試曰貢生顧炎武生負論

之生

推考者推覆以考驗也謂之問備者臺官有問難被者有

備列也大明之制有揭帖問難即官師相規之意揭帖

文集我朝問備之法百官凡有差失臺官必以書牘問

難謂之緘辭被者亦以書牘備列備陳其事或示屈伏或

自暴明謂之緘答見僅此之謂推考今所謂推考空言

而已其重者別有緘辭推考如古其實推考必緘辭不



緘辭非推考

辱者恥也屈也東俗以醜話叱罵名之曰辱至授蘭相如

傳每云廉頗必以醜話罵相如

我見相如必辱之者言必使相如屈辱今可恥

也授平原君傳每云白起以醜話罵楚之先王豈不謬

哉

笞杖者二等之刑具也笞以教愚杖以懲惡故笞止五十

杖自六十至于一百吾東乃以笞杖爲一類微有差異

別作訊杖以爲上刑与古殊也

高麗史刑法志脊杖臀杖笞杖皆同體圓唯大

小有差

箕帚者婢妾之役也箕有兩樣一是斂糠之具一是承塵

之物曲禮云凡爲長者糞之禮必加帚於箕上

少儀云執箕膺

攜既与帚連文則箕是承塵之箕如巾櫛爲一類也今

人或作斂糠說非矣

帶子者束腰之帶華語也帶子例用組紉爲之

二絲交之爲線乃織

東語誤翻乃以組紉爲帶子

方言曰叶不

其稱束腰之組曰

帶子腰帶

叶不叶叶何

不成話說

公然者公共無愧者然也行惡於衆觀之中者謂之公然

杜甫詩曰公然抱茅入竹去意可知也公肆詆誣公行

劫掠皆此意乃東語以無功而望賞者爲公然望之無

價而索贈者爲公然索之非本旨也

雅言覺非卷之三

泃水 丁鏞 著

太廟者太祖之廟也古者一主一廟後世同堂異室太廟之名於今未允但當云宗廟也孔子入太廟每事問是

入周公廟耳

集解云

太僕者出入王命之職掌馬之官本是太馭今掌御乘

者名太僕亦非古也按周禮太僕掌正王之服位

正其衣又

正其立處出入王之大命

如虞之納言

掌諸侯之復逆

鄭云奏事也

建

路鼓以待窮者

冤則擊

尚有祭祀賓客喪紀軍旅燕飲朝

會諸所掌而王之車馬非所掌矣太馭掌馭王路犯軼

尸童



受轡祭軌執轡鸞和爲節司僕寺真古太馭之職然漢唐以來沿誤已久不可訟也

洗馬者古先馬之官也洗當音銑今讀之如字誤矣韓非子云越王句踐爲吳王洗馬淮南子云爲吳兵先馬走洗馬卽先馬荀子

云天子出門諸侯先馬漢書百官表太子太傅少傅屬官有先馬張晏云先馬員十六人先或作洗顧亭林云洗馬者馬前引

導之人太史公牛馬走或曰牛當作先既非僕御之賤掌馬洗浴無是

理也

祭酒者國學老師之稱謂飲酒之禮老師祭先也古人不忘本飲

食有豆今人忽讀祭爲祭導之祭側賣切音貴有讀如字者

羣嘲衆罵以爲固陋不知何故史記荀卿傳云齊襄王

時荀卿最爲老師齊尚修列大夫之缺而荀卿三爲祭

酒焉注云禮食必祭先飲酒亦然必以席中之尊者一

人當祭耳後因以爲官名故吳王濞爲劉氏祭酒荀卿

年五十始來爲祭酒後漢書置博士祭酒胡廣云祭酒者一位之

元長古者賓得主人饌則老者一人舉酒以祭地故以

祭酒爲名朱浮傳云選聰明威重者韋昭云祭酒者謂

祭六神以酒醑之也凡會同饗醺必尊長先用酒以祭

地故曰祭酒

契丹讀之如乞闌

音 乞 闌

冒頓讀之如墨特

音 特

昔有學士

讀之如字至今傳笑然乞既誤讀乞本音乞故入於物韻今讀之為乞誤

丹本如字契丹之丹亦音吐則二字竟皆誤讀矣當讀為墨睢

不誤冒音頓當音突頓音吐見月韻則一字未免誤讀矣何笑

焉大抵字音之訛十居七八不可勝言牡丹之丹亦讀為闌無攸據

范睢之睢即睢鳩之睢東人讀之為睢盱之睢字从目然杜

甫詩云勢慳宗蕭相材非一范睢叶于魚韻古今韻府

范睢皆在魚韻嘉慶丙辰冬余承

命校史記稟 旨以正之

鼃錯之錯或謂入聲費袞梁谿漫志云鼃錯之名古今皆

讀如措字唯潘岳西征賦云隕吳嗣於局下蓋發怒於



一博成七國之稱亂翻助逆以誅錯據此則乃如字讀  
不知岳何所據耶

龍骨大者譯人之誤翻也馬富大者譯人之誤翻也按開  
國方略云天聰九年乙亥十月遣戶部承政瑪福塔往  
弔朝鮮王妃喪並令承政英固爾岱同往又崇德元年  
丙子冬親征朝鮮命戶部承政瑪福塔星夜圍朝鮮王都  
夜遣戶部承政英固爾岱偵朝鮮王蹤跡卽此二人  
吾東呼之曰馬富大龍骨大音之訛也

英固爾岱音司  
子台叫馬福塔

音叶  
阜斗

佛者金神之主壁坐者也輔處者金身之坐於左右者也

傳燈錄佛與輔處差級甚明東人誤譯既以輔處為數

處華音輔處作早割又以數處為佛則與訓兄為弟詎鹿為馬

無以異矣或云新羅之僧入唐求法者不通華語撫左

右輔處之軀而問是甚麼唐僧答之曰補處早割東僧遂

認三箇並是補處歸傳如此遂作方言此說有理佛法東來

在符堅之時必無自古流傳之方言昔僧惠藏頗聰明余問佛與數處是

一是二惠藏不能答遂語此義藏乃大悟

僧者眾也佛書例東語男僧曰眾女僧曰僧故朴楚亭齊家嘗

云東語多乖拗僧訓曰眾而男女有別足訓曰發而人

牛不同人曰發牛曰足樓曰多落而覺秘異稱樓供發覽多針

曰巴辣而醫紕殊用決癰曰針縵尹季軫續之云灰訓

曰災而石薪有別石灰曰灰薪灰曰災金訓曰衰而黃黑不同金黃

曰金鐵王曰仇瑟而蚌石異稱東語玉璧珠璣之屬並

曰衰石出者場曰麻當而農賈殊用穀曰麻當打又有續之

者云蜜訓曰嘔而液滓有別甘液曰屈城訓曰栽而邑

山不同邑城曰城以言學文其非舛如此

李雅亭德對六書策云妻之兄弟稱之以甥兄弟之子稱

之以侄侄癡也趾本足指而訓之為踵棟本屋脊而訓之

為柱方言云羔是羊子而冒于羖羖方言云藿是豆葉

而移于海菜撒以代貂衿以代篲見金時勺以為夕菽



以為太史文薔薇以為海棠連翹以為辛夷揮周同義

方言云因仍並聲圖昌通稱曹曹異用似此之類指不

勝儂○按雅亭似以玫瑰花為薔薇以迎春花為連翹

亦恐有誤連翹草也迎春黃花猶是木也

媳者女字也古婦人以稱舅家舅曰媳父姑查者浮木也

以稱姻家女氏壻氏相謂查租者禾楷也訓之為稻黍

者蘋婆也訓之為山櫻方言黍曰沙果以鋤者煉石也

冒之黃銅崔昉云銅一斤爐甘石一斤煉之成鎔石砲

者機石也移之鳥銃將軍礮威遠礮即機魚筴無名謂

之魚箭方言云烟管不覈謂之烟竹譯書謂之烟袋蓋

扉者戶扇也金扉綺扉華麗奪目而東兒但知柴扉

沙立作烟所垝者竈囟也出直垝曲垝吟誦順口而東窻猶

稱溫垝方言垝曰窟禿乃黃疸疙疸聲必互換黃病之

但頭瘡之疸本會稽滑稽音乃誤分稽字母論平仄本

音恒今相反讀無奚音滑稽二字本音骨雞今似此之類指不勝俚○按酉陽雜俎云晉時

讀如滑奚錢唐有人作筴年取魚億計號萬匠筴陸龜蒙詩云到

織竹中流楊升菴云筴字从洪石梁絕水曰洪射洪呂

萬尺筴梁洪是也加竹為筴蓋以竹為魚梁也譚書云魚箭

謂之簾子今考字典無簾字當是筴字之譌然筴者籠

屬雖曰捕魚非筴類也

簾者書笈也軸者書卷也東詩好用簾軸与匏樽竹杖爲對語未詳所出要之非古語也

賣穀曰糴買穀曰糴耿壽昌常平之法方是古所謂糴糴今之還上卽社倉之制直以穀物出納不用錢幣冒名爲糴糴非矣嘗見譯書名之曰放糧收糧

苫者編草以覆屋也中國十斗曰斛亦十斗曰石

漢書食貨志云

百畝歲收畝一石半爲粟百五十石也

吾東公穀十五斗爲一石私穀二

十斗爲一石又以石爲苫蓋以東俗編草爲簣而納粟

米斯之爲苫於是粟米旣瀉名之曰空石豈不武哉苫

本音蟾

告誤讀如占

君故不知苫卽苫也崔致遠崇福



寺碑云益丘壟餘二百結酬稻穀合二千苦注云東俗以一十五

斗爲一苦

○方言島亦曰苦

本音

大明一統志朝鮮山川有

江華島紫燕島菩薩苦紫雲苦春草苦苦跪苦

注云圖經

小於嶼而有草木曰苦俱在全州南海中

宋徐兢使高麗錄曰白衣島亦曰

白甲苦跪苦在白衣之東北其山特大於衆苦春草苦

又在跪苦之外是日午後過菩薩苦五日丙戌過苦苦

苦

麗俗謂刺蝟毛爲苦苦此山林木茂盛而不大正如蝟毛故以名之

羣山島之南一山

特大謂之案苦洪州山又在紫雲苦之東鷗子苦亦名

軋居苦今按方言穀包曰苦島嶼亦曰苦然穀包之苦

平聲島嶼之苦去聲

松笋酒者吾東之名醞也詩律用之然松之嫩梢不可曰

笋笋者竹萌也然非竹萌者亦得名笋蘇軾詩云蘆笋

初似竹杜甫詩云泥笋苞初荻則蘆荻之萌稱笋矣楊

萬里題寒綠軒詩云荊芽伏土糝青粟杞笋倚根埋紫

玉則枸杞之萌稱笋矣陸龜蒙詩云雖然野岸花房凍

還得山家藥笋肥則勺藥之萌稱笋矣

又本草澤蘭之根名曰地笋

然皆以萌於土者爲笋嫩梢新生者不可曰笋

松脂曰松津鹿皮曰鹿比猶之可也

津液猶膏液也皮比聲通故虎皮古稱臯

比

桃脂曰桃松津杏脂曰杏松津狗皮曰狗鹿皮馬皮

曰馬鹿皮

楓松津虎鹿皮其類尚多

凡木脂之凝者皆稱松津獸皮

之按者皆稱鹿皮可乎

漆葉紅曰漆丹楓亦此類也

牛酪

曰駝酪牛固曰馬廐亦此類

犀者山獸也說文稱南徼外牛一角在鼻一角在頂其頭

似豕

爾雅云犀似豕

別有水犀三角似水牛東人不見犀訓曰

水牛誤矣戰國策曰陸斷犀象孟子曰驅虎豹犀象○

李商隱詩云心有靈犀一點通謂人心有一段靈慧之

識如犀角之中有一點通明之光也俗儒誤解謂兩心

相照如靈犀一點之光瑩然相照於是書牘詩詞每用靈

犀一點作兩心相通之意大誤矣按姚寬叢話云犀

之理形似百物其理有倒插正插腰鼓插倒插者一半



內則狼臙  
膏鄭以為  
狼臙中膏  
則臙是臙  
也

以下通正插者一半以上通腰鼓插者中斷不通

本草別錄

云通天犀角上有一白樓直上至端所謂通也漢書西域傳贊通犀翠羽之註

云通犀謂色白通兩頭異物志云通天犀惡影常飲濁水蘇軾詩云袍

鵲雙雙瑞腰犀一一通謂帶犀箇箇用通明之片犀通者犀之通明

处也豈兩心相通之謂乎

牛胃味厚食物之美者也東俗牛胃曰胘吾東之造字也去聲牛胸

曰陽頭方言云陽地麻理牛脇曰曷非郡縣簿曆卒無本字按

譯書牛胸謂之盆骨

黃芪蜜炙鼈甲醋炙炙者燔也東醫不數讀炙為炙習以

為常書炙作灸不知藥物本無丹田亦無三里何以灸矣

奉  
賜

阿堵者猶言這箇王衍口不言錢見錢在牀前曰阿堵物

後人遂以錢爲阿堵

高士奇云阿堵猶若箇這箇

又顧長康傳神曰

精神妙處正在阿堵中謂精神在眸子中後人遂以眼

爲阿堵本皆無義東人不覈以堵爲睹論人奸惡輒云

阿睹不良說已眼病每云阿睹苦痛此又大誤

睹字从目者誤

認顧長康語

趺者足皮起也通作繭亦作𨾏又趺者足骨也乃東人疏

削表箋以官爵之再踐舊跡謂之宿趺徧考三倉無此

詁訓唯杜甫八哀詩哀蘇源明曰晨趨閭闔內足蹋夙

昔趺此亦足繭之意而東人誤以爲足蹋舊跡遂至沿

拚棄

襲如此耳

享官齊宿謂之清齊一宿然祭統曰宮宰宿夫人散齊致

齊宿戒禮器曰七日戒三日宿鄭注云戒散齊也宿致

齊鄭祭統注云宿讀為肅戒也按饋食禮有宿尸之節宿者申戒也

孟子稱客不悅曰弟子齊宿而後敢言秦繆公虜晉君

以歸令國人齊宿皆非止宿之意淮南子云將軍令祝

史太卜齊宿三日之太廟鑽靈龜亦謂致齊三日非止

宿三日之謂也然則一宿之名非古意

闔門之節今為祭禮之大義然考之古經實無憑據此本

士虞禮闔戶之文然殤祭無尸不三獻不侑食煩文並



刪謂之厭祭故闔戶而出冀或享之若夫成人之祭安

有闔戶至朱子家禮闔戶始改爲闔門其文曰主人立

於門東主婦立於門西其啓門之節曰乃啓門主人以

下皆入就位闔門者閉廟之中門也豈廟室之牖戶乎

牖戶之內本無主人諸人之位不得云皆入就位吾東之人闔其牖戶曰此朱

子闔門之法豈不差哉楊信齋引士虞禮闔牖戶之文以注闔門亦誤將謂古

禮乎古唯殤祭有闔戶將謂朱子禮乎朱子闔中門非

闔室戶也今公家之祭無闔門闔戶之節

祭稱孝子亦可講也禮曰喪稱哀子哀孫祭稱孝子孝孫

以其義稱之也今祭稱孝子據是也然詳檢饋食禮士

虞禮諸文凡稱孝子某孝顯相諸子曰皆祝人告神非

主人自告之也故耐祭祝辭曰夙興夜處小心畏忌不

惰其身張皇贊美揚扈孝心以悅神志不僅曰孝子而

已其身二字明祝人代主人告今禮主人自以其名告于神位自稱

孝子已似未安矧敢以小心畏忌不惰其身諸語自贊

以告之乎古禮冒今其疏舛多如此

喪稱哀子古之義也况士喪既夕皆主父喪之禮而筮宅

筮日皆稱哀子見經文則哀子之稱通於二喪今人母喪

曰哀子父喪曰孤子有若乾元曰大孝坤元曰至孝爲

不易之定名父母具沒者又稱曰孤哀子皆不必然古

唯國君自稱曰孤春秋之禮列國有災自稱曰孤非匹夫之所自名孤子當室孤不更名皆佗人所稱非自名也孤哀子三字不能成文如大至孝並稱不能成文

綽楔者門閭旌表之名也東人傳寫有誤以爲棹楔兩皆從

木

木旁字

遂作連文或与苾芬蘋蘩作對語非矣楔者櫪

也

說文云

爾雅釋宮棖謂之楔註云門兩旁木枋其云

綽楔者華門圭竇之家以孝烈旌表則稍廣其門楔使之寬濶綽者寬也吳鼎芳爲唐嘉會妻作詩云煌煌樹綽楔巍巍建靈祠綽与靈對非連文也棹与櫂同所以撥水進船者於旌門何干



精舍者佛宇也佛之所居曰竹林精舍釋迦譜云息心所棲故曰精舍昔漢明帝立精舍以處攝摩騰卽白馬寺也晉武帝奉佛法立精舍於殿內引諸沙門處之又魏書馮熙傳云熙信佛法出家財建佛圖精舍七十二處水經注云晉沙門竺曇建精舍于散原山南此皆佛家之精舍也道家亦因相倣謝承後漢書云趙昱周磐張奐皆立精舍爲道場江表傳云千古立精舍燒香讀道書此道家之精舍也卽儒家亦冒此名後漢書云包咸劉淑立精舍講受五經魏武帝築譙東精舍欲秋夏讀書朱子有武夷精舍此儒家之精舍也三教皆有精舍

但不宜在俗地王世貞言今京輦闐闐塵芬嘈雜之室皆

扁曰精舍非矣

軒者檐宇也廳者聽事之屋也東語凡棧版所鋪謂之抹

樓仍以軒與廳當之非矣軒本高車之名檐宇之末軒

舉鬯豁借名之也長廊之有窗而周迴者亦謂之軒左

魏都賦周軒中又殿堂前檐特起曲椽無中梁者亦謂

之軒天子不御正堂而御平譯書凡廣而短檐之室即

謂之軒不必棧版者謂軒也○廳本官府治官之室漢

晉皆作聽六朝以降加广作廳後世私室其外舍治事

之處亦得名廳李文靖廳事前僅容旋馬今俗內舍中堂名曰大廳

誤

斜廊者堂側之橫廡也東人誤譯今以外舍聽事之室謂

之斜廊

古俗內舍宏大外舍低小無異廊廡故冒中國斜廊之名今俗外舍益宏大斜廊之名尤不合

矣托樑誤翻為徒里

托樑音斗拱誤翻為大共斗拱音

推窗誤翻為刀伊窗

推窗音引窗

薄縫誤翻為朴宮

薄縫音

炕洞誤翻為窟禿

炕洞音炕高來而以墁為窟禿

圍廊誤翻為

精朗

圍廊音

衙者天子之居也唐書地理志云明堂之西有武成殿即

正衙聽政之所五代史李琪傳云宣政前殿也謂之衙

在前故紫宸便殿也謂之閣宋史禮志云文武官日赴



文德殿正衙曰常參其名之尊重如是也唯其坐衙聽  
事上下皆同故中外官署其聽事受謁亦稱坐衙一日  
兩衙古者大夫家臣一日再見朝見曰朝夕見曰夕即兩衙也報衙放衙趁衙退衙  
都是參見之名今俗守令率其妻妾置于內屋名之內  
衙非禮也北史長孫晟傳云煬帝引晟委以內衙宿衛  
五代史趙鳳傳云明宗以周玄豹爲內衙指揮使內衙  
猶內禁也其嚴重如此豈妻妾所宜僭哉

牖者納陽之囟也穿壁向明以木爲交囟曰牖也

說文云易

曰納約自牖論語曰自牖執其手古者出入室中必由

戶子曰誰能出不由戶自牖云者身不入室坐乎牖外以手納之

說文向北出牖  
也明堂位注云  
嚮牖北出為  
寒之備詩釋  
文向北向窓也  
蓋古者南  
北皆有牖

以手執之也戶在室東牖者皆南牖也牖制狹小但可納陽不能出入  
不如今俗禮記北牖禮經作北墉禮記誤也論語注云  
禮病者居北牖下金仁山云牖誤當作墉據禮經也古  
者南牖以納陽北墉以禦寒乃東俗訓蒙以牖為闕可  
乎

禊者潔也鄭俗於上巳采蘭芷祓除不祥謂之禊漢禮儀

志上巳官民皆潔於東流水上洗去宿垢潔祭名也今

俗釀錢殖利名之曰禊禊本無字惟蘭亭帖坊本禊訛

作禊因以襲之也晉俗好禊王謝諸人共修禊事

修謂重修

古東人凡與眾會飲皆謂之禊同庚曰甲禊同年曰禊

禊同官曰僚禊王堂修禊屏槐院裝禊帖此風相傳鄉  
村醵錢者亦皆名禊耳此等之禊當名曰契契者約也  
合也顧名思義豈不允矣

上巳者三月上旬之巳日也世皆讀之爲地友之巳巳音

而近儒謂是天幹之巳起巳音誠以上甲上丁及戊日爲社

庚日爲伏之類皆是天幹子丑寅卯非所用也且上

旬本只十日若其朔日適是午未之日則上旬十日之

內容無巳日巳音即此歲季春遂無上巳其爲天幹之

巳無疑

破日不用非古也高士奇曰初五十四二十三爲月忌蓋



此三日乃河圖數之中宮五數耳五為君象故民庶不

敢用

高說止此

中國唯民庶不敢用吾東凡

殿坐動駕皆

不用是日烏在其中宮天極為君上之所用也

霞者赤雲也東俗訓之為霧

方言曰晏開

宋徽宗詩云日照晚

霞金世界謂黃霧盪日成此金色豈不謬哉王有赤病

者謂之瑕瑕者霞也有黑病者謂之玷玷者黜也

點从黑

彈碁者粧匱之雜戲也其勢如蹴鞠今人詩句圍碁亦稱

彈碁誤矣按太平廣記云漢成帝好蹴鞠羣臣以勞體

非尊者所宜帝曰可擇似而不勞者奏之劉向奏彈碁

以獻上悅賜青羔裘紫絲履

其法似蹴鞠可和

後漢書云梁冀

能挽滿彈棋格五

亦戲名

六博蹴鞠意錢之戲南史云孔

琳之解音律能彈棋

典論云予于他戲少所喜唯彈碁畧盡其妙

世說云彈

棋魏宮內用裝匱戲也隋書云徐廣撰彈棋譜一卷其

為別格之戲明矣杜甫詩云彈棋夜半燈花落

岑參詩云縱酒

兼彈棋

王維詩云隱囊紗帽坐彈棋皆是此戲東人見二

詩誤以為圍棋沿襲如此

盞托者酒盞之承器也東語誤翻為盞托

盞托華音作止吐

草花

有金盞銀臺引之為證非矣鏡臺燭臺香臺硯臺有之

矣盞臺無可據

湯餅者麪煮之物也今人以元朝所食白餅之湯熟者當



之非矣東哲云饅頭空春薄壯空夏起瘦空秋湯餅空

冬世說云何晏侍上唐人以湯餅謂之不托亦曰飢飢

乃濕麵也蘇軾詩云湯餅一杯銀線亂既有銀線則條

麵之類也唐書明皇后傳云阿忠脫衣易斗麵爲生日

湯餅青箱雜記云凡以麵煮之皆曰湯餅

藥果者油蜜果之一名謂之果者形變而名存也星翁云

藥果謂之造果猶言假果也東語凡非真者謂之造古者以蜜麵

造爲果子之形或如棗栗或如梨柿名曰造果其後嫌

其圓轉不能累高改作方形而果之名猶存也今祭祀

陳饌猶在果籩之列按東語蜜謂之藥故蜜酒曰藥酒



蜜飯曰藥飯蜜果曰藥果○楚辭云粬粬蜜餌有餠餠

些王逸注云以蜜和米麴熬煎作粬粬擣黍作餌又有

餠餠卽美餠也洪氏云粬粬蜜餌之乾者十月間爐餅也蜜餌乃蜜麴之少潤者七夕蜜餅也

餠餠乃寒具也星翁云蜜麴作餅油煎而乾者非今之朴桂乎

其少潤者沃以飴蜜也非今之藥果乎昔高麗忠宣王

爲世子入元宴享用本國油蜜果其來遠矣○國典祀

享有藥果中朴桂今俗同牢用漢果新婦餠餌用大藥果所云漢果卽大朴桂按粬

粬蜜餌雖自古有之吾東賓祭之禮必崇尚此物者羅麗

之世佛法主世殆亦麴犧之類与陶穀清異錄云周靈前果皆調香爲之形

色如生蓋亦造果之類

元陽繭者吾東之所謂羌釘也東萊祭式有元日薦繭之

文而楊萬里上元觀燈詩云麝餠宮樣陪公譙粉繭鄉

風憶故園

蜀人呼蒸餅為餠李夢詩云枯餠舐指不知休

粉繭者羌釘也以烈

酒和糯米粉搗搏作餅細切待乾用油浴煎即浮起圓

大

星翁云

周禮醢人酏食疏云以酒酏為餅若今起膠餅

羌釘之類

印團者俗謂之茶食或用栗黃或用芝麻或用松花作粉

和蜜為餅納于木匣之中印出花葉魚蝶之形

古用米麵為之

星翁云龍團鳳團即茶餅之印作物形者印團之制取

於茶家故謂之茶食

水團者粉團也歲時記云端午作水團又名白團其精者

名曰滴粉團

張耒詩云水團冰浸砂糖裹

又有乾團不入水者天寶遺事

云宮中每到端陽造粉團角黍貯於金盤中以小角弓架箭射粉團中者得食蓋粉團滑膩難射也吾東

端午不設水團至六月十五日設之

俗稱流頭日

粉屑為餅

小如櫛子

本如筋條切而短之

蜜水置冰浸而食之

糝子者粳糧也楊升菴以糝子為寒具非矣

寒具者環餅也環繞如蛇

盤形許慎說文云糝熬稻粳糧也稷稻並穀熬之則其米

炆散故曰糝也

今俗油熬之亦炆

糝有三種一曰扁糝

別為區餅兩箇

相合油煎而沃以

二曰

蓼糝

作餅如釵股既煎既餚乃以糝為衣三

曰朴糝

不別作餅純以糝子沃餚相著俟其凝固剪作方形

董越朝鮮賦云間看



羞以糝食自註云亦能為米糕蓼花之類

紅糝累累酷似蓼花故中

國亦有此名

棗糕者俗所謂蒸餅也

方言曰吾

藝苑雌黃云寒食以麵粉

蒸糕團棗附之名曰棗糕

高啓九日詩云故園莫憶黃花酒內府初嘗赤棗糕不必

寒食星翁云東俗蒸餅豆腐為餛

與餛同

外附棗肉者謂

之糕銘意者其初以棗肉繡作文字謂之糕銘安順菴

云王隱晉書何曾尊豪累世蒸餅上不作十字不食疑

此是糕銘之類

案晉書何曾傳云廚膳滋味過于王者蒸餅上不圻作十字不食十字是圻開

銘文也周禮籩人粉簋之註曰今之簋糕則漢時已有

糕矣

劉夢得九日作詩欲用糕字愚六經中無此字遂止不用宋子京以為不然故有永云劉即不文其

糕字虛負詩中一世豪今按帝京景物畧云九日麪餅種棗栗其

面星然曰花糕此是東人所謂糕銘也九日亦有菊

糕見歲時記疑皆蒸餅非如吾東米粉按花油煎以食

之也

角黍者粦也楚俗備見諸書吾東乃以煎餅裹餡者謂之

角黍非矣其法以麪作餅為大葉餡之以肉屑菜餽卷

葉裹之為兩角名曰角黍楚俗作角黍或用菰葉或用蘆葉或用棟葉或用粽心草

今純用米麪豈角黍乎其小如松葉餠子者名曰造角謂有兩角

如角黍而猶是假作也今又音轉為造握是本造角也

煎果者華人之所謂果泥也譯書云或用消梨或用木瓜或

用山查或用生薑搗之為泥煎之以蜜者也

今訛為正果 ○

肝南者古之所謂羞哉也

禮士虞

星翁謂其饌列在肝燔

之南名曰肝南

餽口者饘其口也譌之為糊口

春秋傳云餽其口於四方

竊鉄者竊所

刀也譌之為竊鐵

列子云人有亡鉄者意其鄰之子行步顏色言語動作態度無為而非竊

鉄也

模糊譌之為糝糊

字典無糝字

爛漫譌之為爛漫

漫字

字典無漫字

古文或有闕曼無闕曼一

爾雅曰東方有比目魚焉不比不行其名謂鰈郭璞註云狀似牛脾鱗此魚黑色一眼兩片相合乃得行江東呼為王餘魚

即今之加佐味

勒魚非也 鰈魚謂之鰈魚加佐味

鰈魚謂之鰈魚爾雅



鮪魚一鰻鰻謂之長魚蛇形類若此之類不可勝數○

曰鱸吉魚。鱸海與江不同。鯊魚曰鯊吉魚。海鯊加秀吉魚拜。

吉魚條即麤莫不然者於是鱸曰農魚鯊曰霜魚訛誤轉

甚矣  
方言魚名必加治字  
杭塞治於廩治之類  
莽治蔑治甘乙治

蜆者蚌屬俗謂之嘉里蛤 맛가리 萬曆壬辰天將家丁見市

有煙入告之天將要喫吾人不知煙爲何物告非土產

天將大怒徐得伸理見儻說按本草云閩粵人以田種之

謂之煙田

用山查或用生薑擣之為泥煎之以蜜者也

今訛為正果

肝南者古之所謂羞蔽也

禮士虞

星翁謂其饌列在肝燔

之南名曰肝南

餉口者饘其口也謠之為糊口

春秋傳云餉其口於四方

竊鉄者竊斫

刀也謠之為竊鉄

列子云人有亡鉄者意其鄰之子行步顏色言語動作態度無為而非竊

鉄模糊謠之為模糊

字典無

爛漫謠之為爛漫

字典無

古文或有瀾漫無爛漫也

鮓魚謂之民魚

鮓民聲相近

鮓水魚謂之石魚

俗名曰鮓魚

之秀魚

三國志注云鮓魚出海中今鮓魚謂之俊治

書

俊治謂之鮓魚謂之廣魚

其小者曰鮓魚謂之葦魚

爾雅



蛭者蟲

名有蚰蜒蠅蚰

又長  
蛇  
延

延者蠶屬有攘蠶洞蠶

有又

諸天門延

延則音延蜚則

音但蕩旱切

二字不同唯蠻蠻時

作蠶蛭蠶風蛭雨時見古詩俗儒謂蛭者蜃屬凡南海

上詩句輒用  
蜓風蜓雨

讀作延

認之爲石燕之雨江豚之

風誤矣

水豹者海狗也皮曰水豹腎曰海狗非二物也本草云脰

𧢲一名骨𧢲其臍曰海狗腎其毛短密淡青白毛之上

有淡青黑點其皮厚韌如牛皮邊將取之以飾鞍韉東

人名之曰海豹故唐書新羅傳云開元中獻魚牙紬海

豹皮

三國史亦載是事

顧況送從兄使新羅詩云水豹橫吹浪



皆此物也乃俗言又名爲水牛有水牛皮挂囊斯則非水牛皮鞋于矣

貉者東北夷之總名也周禮職方氏七閩九貉之注東北

曰貉朝鮮在正東非貉地也瀝者地名或是水名字从水

故其君自稱瀝王夷貉之君不得稱夷王貉王貉有九種總在東北

今興京幅員瀝貉其一也後世亦有梁貉小水貉句麗貉之

別如畎夷于夷赤狄白狄東人忽以瀝貉分之爲二又以江陵爲

瀝春川爲貉豈不謬哉瀝人東徙江陵北夫餘王解夫婁移居加葉原

貉人南據春川漢末樂浪國據春川本貉人豈必二邑遂爲瀝貉乎

貉五穀不生春川豈然乎貉木皮厚三寸春川豈然乎

引不干之族冒無當之名莫之知脫惑矣

花郎者新羅貴游之名也今以巫夫倡優之賤謂之花郎  
非矣唐令狐澄新羅國記云擇貴人子弟之美者傅粉  
粧飾名曰花郎國人皆尊師之東史云花郎既飾徒衆  
雲集相磨以道義相悅以歌樂游娛山中無遠不至  
問花郎世說云忠佐賢臣從此而秀良將勇卒由是而生意者花郎服裝袷麗而今  
之倡夫亦服裝袷麗故冒是名与

水尺者官妓之列名也今官婢汲水者猶稱巫茲伊以文

譯之卽爲水尺

巫者水也  
茲者尺也

非因汲水而得名也

妓之古  
名移于

婢

吾東本無妓有楊水尺者本柳器匠遺種其種落素



無貫籍好逐水草遷徙無常唯事畋獵販鬻柳器即栲

屬高麗李義旼之子至榮以楊水尺編于妓籍徵貢不

已自茲以降男生為奴女生為妓此吾東有妓之始也

元耶律楚材久客西番有贈妓之詩妓皆長髯即西番亦有妓水尺之名蓋本於此今

庖奴名曰刀尺庖丁必治柳器皆古俗之流傳者

臧獲者奴婢也東語訛傳為庄穫以作農墅之別名對人

問田業有無必云庄穫在何處誤矣揚子方言曰荆淮

海岱之間罵奴曰臧罵婢曰獲燕之北郊男而壻婢謂

之臧即婢女而婦奴謂之獲即奴然漢書司馬遷傳臧

獲之註晉灼云敗敵所被虜獲為奴隸者師古非之應





韓翃詩空

林欲訪麗居

士司空圖詩

維屋陶

居士則居士

稱已生於中

華佛經每

言大比丘眾

智度論比丘

名乞士皆此

緇徒通稱

唯比丘尼為

女僧而未必

是僧所云

舍堂也

言引方又通俗文曰古本無奴婢即犯事者或原之臧者

被臧罪沒入為官奴婢逃亡獲得為奴婢案晉灼及通俗文皆據秋

官得隸罪有異說也顧况哀閩詞云因生南方閩吏得

之乃絕其陽為臧為獲朱翌荷覺寮雜記云既云絕陽又云為獲是陰陽不分男女不

辨也

乞士者不剃之僧也東語謂之居士誤矣王世貞宛委餘

編錄佛書譯言比丘者乞士也上乞法下乞食也乞士之妻

曰優婆尼方禮記曰居士錦帶注云道藝胡昭稱胡居

士見魏到洽稱到居士見南虞寄稱東山居士見南白

居易稱香山居士歐陽修稱六一居士居士豈賤流之

稱我音入聲華音無終聲居乞得相混也

三澣者三旬之別名東人但知上澣下澣以望前爲上澣

望後爲下澣誤矣丹鉛錄云俗以上澣中澣下澣爲三

澣蓋本唐制十日一休沐而今猶襲之也

陸游詩云故夜已微月三

澣短髮雖殘日一梳

星翁云趙孟頫蘭亭圖跋云七月中澣則一

月三澣明矣今人或以上下弦爲上下澣非矣

賒者貰也周禮司市之註云無貨則賒貰而予之

謂不用錢而先

取其物

東人以賒爲買嘗見一詩集云自取囊錢賒白酒

華人見之必難解矣

俗儒不知賒字方言稱外上

古詩云可憐白鼻

騮相將入酒家無錢但共飲畫地作交賒斯可知矣杜



甫詩云鄰人有美酒穉子也能賒不錢而取酒非穉子所能故特云也能

黃庭堅詩云淡念煩鄉里忍窮禁貸賒

賁者賒也

說文云貨也

沛公常從王媼武負賁酒謂不錢而賒

取之也東語凡給錢借物謂之出賁雇馬曰賁馬雇輦

曰賁輦皆非矣白居易詩云家醕飲已盡村中無酒賁

非無酒也無賁法也

凡賒之為言在彼為貸故貸罪亦云寬賁

杯玦者巫所以占吉凶也朱子家禮卜日用杯玦擲盤是

也

家禮作環玦非也字典無環字

古用玉今用蚌殼或用竹根或作一筴

俯一仰以為吉兆東人筮者用古錢三枚辨其俯仰以


作卦名曰杯玦謬矣

杯玦只兩枚

乃有所謂朝鮮通寶謬為



箕子時古錢不知箕子之時隸書未生今此錢文皆是  
楷隸何也我國初嘗一鑄錢旋罷之是其殘流者耳



補遺

京口者里名也在晉陵丹徒縣晉宋之際始爲名城晉書  
云義熙元年劉裕出鎮京口卽此地也南史云宋武帝  
微時徙去丹徒之京口里嘗游京口竹林寺亦此地也  
吾東忽以京口爲京江之口凡從京華來者謂自京口  
來誤矣梁簡文帝詩云客行祇念路相爭度京口岑參  
送王昌齡赴江寧詩云君行到京口正是桃花時詩人  
不核偶見此等詩句誤用如是也老學菴筆記云京  
口于城西南有萬歲樓京口人以爲南唐時節度使每  
登此樓西望金陵



方伯者諸侯之長也王制云千里之外設方伯五國有長  
十國有帥二百一十國有伯八州八伯各以其屬屬於  
天子之老二人曰二伯若文王爲西伯周公爲陝東之  
伯召公爲陝西之伯是也今八道監司不過中國按察  
督撫之類儼稱方伯不可東萊府使自稱萊伯尤不可

監試初試入格者稱發解亦誤解者發遣也又聞上也別

音古隘切與解釋之解不同鄉試赴京者稱解送于京

師罪囚移上者稱解送于撫司秩滿還朝者稱解送于

銓部

宋史職官志云入額人  
一任四年與發解赴銓

其義同也國史補云外府

不試而貢者謂之拔解

謂抽擢以  
遣之也

唐制進士由鄉而貢

曰解額又宋史選舉志云山林之士令監司守臣解送今人不問京試鄉試凡

初試入格者皆云發解可乎

一麾者麾斥見黜之謂也顏延之出爲永嘉太守怨憤作詩曰五薦不入朝一麾乃出守蓋恨其斥黜也今人出宰自稱一麾有若建一旗而出外者亦誤

峽者夾也兩山夾水曰峽也盛弘之荊州記云三峽七百里中兩岸連山無斷處重巖疊嶂隱天蔽日非亭午不

見日月義可知也以余所見廣州有度迷峽春川有懸

燈峽

方言燈達峽

皆兩山夾水空名爲峽今人以溪山窮谷

名之曰峽凡在溪山窮谷者謂之峽氓謂之峽俗山邑



曰峽邑山村曰峽村皆誤

遺事者逸事也謂於史家記錄之外其遺逸而不章顯者

我爲之表發也柳宗元作段太尉逸事狀末云今之稱太尉大節者以爲武人一時奮不慮死不知太尉之所

立如是宗元嘗出入岐周間竊好問老校退卒能言其

事會州刺史崔公來備得太尉遺事覆校無疑或恐逸

墜未集太史氏敢以狀弘於執事

文止此

遺事之義於此

明矣開元遺事者開元之逸事也天寶遺事者天寶之

逸事也今人誤以遺事認之如舊事備錄一生之跡並

其世系官踐無不詳載而名之曰遺事是於行狀墓誌



之外別一名也誤

尸者神相也禮曰爲君尸弁冕而出弁冕非童子之服也  
禮云凡祭墓冢人爲尸冢人非童子之官也歷考三禮  
無童子爲尸之說而吾東言尸每云尸童抑何故也孔  
子曰尸必以孫孫幼則使人抱之曾子問必誤據此文認  
尸爲童也一字之稱不便則謂之皇尸焉可也

拳踢者手毆而足觸也古無訓踢爲足觸也蹴踢獸名也  
矍踢神名也後世假借至蹴鞠譜有對踢單踢角踢大  
踢等諸法劉氏有乾拳濕踢之語小說有麤拳大踢之  
喻今人以大踢改讀爲大踢字从易其音如蕩疏劄盛用

之又大誤也字書踢者跌踢也或作跌踢行不正也既云拳踢則不可音蕩

拚棄當作拌棄揚子方言楚人凡揮棄物謂之拌也俗誤

作拚又誤作拚按拚音翻拚音拚拚手也又音奮掃除曰

拚也

少儀云

又音翻飛也

周頌箋

今俗上疏每云拚棄廉隅

卽拌棄之誤也又書牘每云拚別用之如握手之意誤

矣然此自中國已沿誤如此

海鯽者俗所謂道味也福建人謂之鮫鱓如此美魚不知

其名不能用之於詩句者不可悉數

蒲鶒者美瓜之名杜詩云傾筐蒲鶒青卽是也今人或認

爲鵠鵠之色青者用之如白鵠紫鵠誤

鱸者江魚之小者也申緯承旨云今之所謂居億貞伊似

引巨口細鱗賦赤壁色黑如鰕其大如鮒非海鱸之族也

本朴景按盧者黑也色黑尤其驗也儒之言鯊者吹沙之魚

也俗稱海之鯨魚皮上有沙可飾刀鞘亦稱鯊魚非

族而同名者亦固有之但東人所謂農魚之爲鱸魚絕

無古據

又補遺

提學者學政之提舉也宋制州縣各有教官本省有提舉

一員摠領諸教官教官如守令提舉如監司以其提調



學校之政故謂之提學

如吏曹判書  
謂之吏判

高麗傳聞此事謂有

文學者爲提學於是置寶文閣提學進賢館提學我朝  
因之爲弘文館提學藝文館提學其實非學政提舉不  
可曰提學宋元之天章閣奎章閣明清之文淵閣武英  
殿皆有學士待制無提學之名

浙瀝誤作浙瀝模糊誤作模糊爛漫誤作爛漫迨誤作  
迨遞若此類又不可勝數

賓貢者慢辭也高麗選舉之法京都謂之上貢諸路謂之

鄉貢外國謂之賓貢


嚮化人

此蓋元人之制也其後諸路

鄉試其有他道人冒赴者罵之曰賓貢謂於本道如外國

然  
之人也今人不知此名誤號曰擯攻騰之文字以爲當







庚寅良月膳于冷井洞

一  
檜也杉也鱸魚也三条別有大篇日後若見他本當續付

